

CLEMENS EPISCOPUS

Servus Servorum Dei.

*Universis Christi fidelibus salutem ;
& Apostolicam Benedictionem.*

Unigenitus Dei filius pro nostrâ , & totius *Constitu-*
Mundi salute filius hominis factus, dum tio Cle-
Discipulos suos doctrinâ veritatis instrueret, uni-
versamque Ecclesiam suam in Apostolis erudiret, illasdam.
præsentia disponens, & futura prospiciens, præ-
nans,
claro, ac saluberrimo documento Nos admonuit,
ut attenderemus à falsis Prophetis , qui veniunt
ad Nos in vestimentis Ovium ; quorum nomine
potissimum demonstrantur Magistri illi mendaces,
& in deceptions illusores , qui splendidâ pictatis
specie prava dogmata latenter insinuantes, intro-
ducunt sectas perditionis sub imagine Sanctitatis ;
utque facilius incautis obrepant, quasi deponentes
lupinam pellem , & sese Divinæ Legis tententiis,
velut quibusdam Ovium velleribus obvolventes,
Sanctorum Scripturarum , adeoque etiam ipsius
novi Testamenti verbis , quæ multipliciter in
suam, aliorumque perditionem depravant, nequi-
ter abutuntur : antiqui scilicet, à quo progeniti
sunt, mendacii Parentis exemplo, ac magisterio
edocti , nullam omnino esse ad fallendum expe-
diorem viam , quam ut ubi nefarii erroris sub-
introducitur fraudolentia , ibi Divinorum verborum
prætendatur autoritas.

His nos verè Divinis monitis instructi , ubi pri-
mùm , non sine intimâ cordis nostri amaritudine,
acepimus , Librum quemdam Gallico idiomate
olim impressum , & in plures Tomos distributum,
sub titulo *Le Nouveau Testament en Francois, avec*
des reflexions morales sur chaque verset &c. A Paris

1699.

1699.; Aliter verò... *Abregé de la morale de l'Evangile, des Actes des Apôtres, des Epîtres de S. Paul, des Epîtres Canoniques, & de l'Apocalypse, ou Pensées Chrétienne sur le Texte de ces Livres Sacrez &c.* A Paris 1693., & 1694., tametsi alias à Nobis damnatum, ac reverà Catholicis veritatibus pravarum doctrinarum mendacia multifariam permiscentem, adhuc tamen tamquam ab omni errore immunem, à pluribus haberi, Christi fidelium manibus passim obtrudi, ac nonnullorum nova semper tentantium consiliō, & operā studiosè timis quaquaversūm disseminari, etiam Latine redditum, ut perniciose institutionis contagium, si fieri possit, pertranscat de gente in gentem, & de Regno ad populum alterum: versutis hujusmodi reductionibus, atque fallaciis creditum Nobis Dominicum Gregem in viam perditionis sensim abduci summoperè doluimus: adeòque Pastoralis non minùs curæ nostræ stimulis, quām frequentibus Orthodoxæ Fidei Zelatorum querelis, maximè verò complurium Venerabilium Fratrum, præsertim Galliæ Episcoporum, litteris, ac precibus excitati, gliscenti morbo, qui etiam aliquandò posset in deteriora quæque proruere, validiori aliquo remedio obviam ire decrevimus.

Et quidem ad ipsam ingruentis mali causam providæ nostræ considerationis intuitum converentes, perspicuè novimus summa in hujusmodi Libri perniciem idè potissimum progredi, & invadescere, quod eadem intus lateat, & velut improbas, nonnisi secto ulcere foras erumpat; cùm Liber ipse primo aspectu legentes specie quadam pietatis illiciat: molliti enim sunt sermones ejus super oleum: sed ipsi sunt jacula, & quidem intento arcu ita ad nocendum parata, ut sagittent in obscuro rectos corde. Nihil propterea opportunius, aut salubrius præstari à Nobis posse arbitrati sumus, quām si fallacem Libri doctrinam generatim solummodo à Nobis hactenùs indicatam, pluribus singillatim ex eo excerptis Propositionibus, distin-

ctiùs,

etius, & apertius explicaremus, atque universis Christi fidelibus noxia Zizaniorum semina è medio Tritici, quo tegebantur, educta, velut ob oculos exponeremus. Ita nimis nūm denudatis, & quasi in propatulo, positis, non uno quidem, aut altero, sed plurimis, gravissimisque, tūm pridem damnatis, tūm etiam novē ad inventis erroribus, plānē confidimus, benedicente Domino, fore ut omnes tandem aperię jam, manifestaque veritati cedere compellantur.

Id ipsum maximè è re Catholicā futurum, & sedandis præsertim in florenissimo Galliæ Regno exortis ingeniorum variè opinantium, jamque in acerbiores scissuras protendentium dissidiis apprimè proficuum: Conscientiarum dēnique tranquillitatē perutile, & prope modūm necessarium, non modò præfati Episcopi, sed & ipse in primis Charissimus in Christo Filius noster Ludovicus Francorum Rex Christianissimus, cujus eximium in tuendā Catholicā Fidei puritate, extirpandisque erroribus zelum satis laudare non possumus, səpiùs Nobis est contestatus; repetitis propterea verè piis, & Christianissimō Rege dignis officiis, atque ardētibus votis à nobis efflagitans, ut instanti animarum necessitati prolatā quantotius Apostolici censurā Judicii consuleremus.

Hinc adspirante Domino, ejusque cœlesti ope confisi, salutare opus sedulò, diligentèrque, ut rei magnitudo postulabat, aggressi sumus; ac plurimas ex prædicto libro, juxta supra recensias respectivè editiones, fideliter extractas; & tūm Gallico, tūm Latino idiomate expressas Propositiones à compluribus in Sacrā Theologiā Magistris, primò quidem coram duobus ex venerabilibus Fratribus nostris Sanctæ Romanæ Ecclesiæ Cardinalibus accuratè discuti: deinde verò coram Nobis, abhibitō etiam aliorum plurium Cardinallium consilio, quām maximā diligentia, ac matritate; singularum insuper Propositionum cum ipso met Libri textu exactissimè factā collatione, pluries

ries iteratis Congregationibus expendi, & exami-
nari mandavimus. Hujusmodi autem Propositiones
sunt, quæ sequuntur, videlicet..

Luc. 16. 3. 1. *ed. 1693.* *1699.* **Q**uid aliud remanet animæ, quæ Deum,
atque ipsius gratiam amisit, nisi pecca-
tum, & peccati consecutiones, superba
paupertas, & segnis indigentia, hoc est genera-
lis impotentia ad laborem, ad orationem & ad
omne opus bonum?

Joan. 15. 2. *5. edit.* *1693.* Jesu Christi gratia, principium efficax boni
cujuscumque generis, necessaria est ad omne opus
bonum; absque illâ non solum nihil fit, sed nec
fieri potest.

Act. 16. 3. In vanum, Domine, præcipis, si tu ipse non
10. edit. das quod præcipis.

1693.

1699.

Marc. 9. 4. Ità Domine; Omnia possibilia sunt ei, cui
22. edit. omnia possibilia facis, eadem operando in illo.

1693.

1699.

Rom. 9. 5. Quandò Deus non emollit cor per interio-
28. edit. rem unctionem gratiæ suæ, exhortationes & gra-
1693. tiæ exteriores non intervint, nisi ad illud magis
obdurandum.

Rom. 11. 6. Discriben inter fœdus Judaicum, & Chri-
27. edit. stianum est, quod in illo Deus exigit fugam pec-
1693. cati, & implementum legis à peccatore, relin-
1699. quendo illum in suâ impotentia: in isto verò Deus
peccatori dat, quod jubet, illum suâ gratiâ pu-
rificando.

Hebr. 8. 7. 7. Quæ utilitas pro homine in veteri fœdere,
edit. in quo Deus illum reliquit ejus propriæ infirmi-
1693. tati, imponendo ipsi suam legem? Quæ verò felici-
1699. citas non est admitti ad fœdus, in quo Deus nobis
donat, quod petit à nobis?

Hebr. 8. 8. Nos non pertinemus ad novum fœdus, nisi
10. edit. in quantum participes sumus ipsius novæ gratiæ,
1693. quæ operatur in nobis id, quod Deus nobis præcipit.
1699.

9. Gra-

9. Gratia Christi est gratia suprema , finè quâ Cor. 12.
confiteri Christum numquam possumus , & cum 3. edito
quâ numquam illum abnegamus. 1693.
10. Gratia est operatio manûs Omnipotentis Matt. 20.
Dei , quam nihil impedire potest aut retardare. 34. edit.
1693.
1699.
11. Gratia non est aliud quâm voluntas Omni- Marc. 2.
potentis Dei , jubentis , & facientis quod juberet. 11. edit.
1693.
1699.
12. Quando Deus vult salvare animam , quo- Marc. 2.
cumque tempore , quocumque loco effectus indu- 11. edit.
bitabilis sequitur voluntatem Dei. 1693.
1699.
13. Quando Deus vult animam salvam facere , Luc. 5. 13
& eam tangit interiori gratiæ suæ manu , nulla ed. 1693.
voluntas humana ei resistit.
14. Quantumcumque remotus à salute fit peccator Marc. 5.
obstinatus , quando Jesus se ei videndum exibet 6. 7. edit.
lumine salutari suæ gratiæ , oportet ut se dedat , 1693.
accurrat , sese humiliet , & adoret Salvatorem suum.
15. Quando Deus mandatum suum , & suam Luc. 9. 60
æternam locutionem comitatur unctione sui Spi- ed. 1693.
ritus , & interiori vi gratiæ suæ , operatur illa in 1699.
corde obedientiam , quam petit.
16. Nullæ sunt illecebræ , quæ non cedant ille- Act. 8. 12.
cebris gratiæ , quia nihil resistit Omnipotenti. ed. 1693.
1699.
17. Gratia est vox illa Patris , quæ homines Joan. 6.
interius docet , hæc eos venire facit ad Jesum Chri- 45. edit.
stum ; quicumque ad eum non venit , postquam 1693.
audivit vocem exteriorem Filii , nullatenus est 1699.
doctus à Patre.
18. Semen verbi , quod manus Dei irrigat , Act. 11. 21
semper affert fructum suum. ed. 1693.
1699.
19. Dei Gratia nihil aliud est , quâm ejus om- Rom. 14. 4
nipotens voluntas : hæc est idea , quam Deus ipse ed. 1693.
nobis tradit in omnibus suis Scripturis.

Marc. 4. 20. Vera Gratia idea est, quod Deus vult sibi
39. edit. à nobis obediri, & obeditur; imperat, & omnia
1693. sunt; loquitur tamquam Dominus, & omnia sibi
1699. submissa sunt.

2. Cor. 5. 21. Gratia Jesu Christi est Gratia fortis, potens,
21. edit. suprema, invincibilis, utpote quæ est operatio
1693. voluntatis Omnipotentis, sequela, & imitatio ope-
 rationis Dei incarnantis, & resuscitantis Filium
 suum.

Luc. 1.38. 22. Concordia omnipotens operationis Dei in
ed. 1693. corde hominis, cum libero ipsius voluntatis con-
1699. sensu, demonstratur illico nobis in Incarnatione,
 veluti fonte, atque Archetypo omnium aliarum
 operationum misericordiæ & gratiæ, quæ omnes
 ita gratuitæ atque ita dependentes à Deo sunt,
 sicut ipsa originalis operatio.

Rom. 4. 23. Deus ipse nobis ideam tradidit omnipo-
17. edit. tentis operationis suæ, eam significans per illam,
1693. quâ Creaturas è nihilo producit, & mortuis reddit
1699. vitam.

Luc. 7.7. 24. Justa idea, quam Centurio habet de Om-
ed. 1693. nipotentia Dei, & Jesu Christi in sanandis cor-
1699. poribus solo motu suæ voluntatis, est imago ideæ,
 quæ haberi debet de omnipotentiâ suæ gratiæ in
 sanandis animabus à cupiditate.

Luc. 18. 25. Deus illuminat animam, & eam sanat æquè
42. edit. ac corpus, solâ suâ voluntate; jubet, & ipsi ob-
1693. temperatur.

1699.

Luc. 8.48. 26. Nullæ dantur gratiæ, nisi per Fidem.
ed. 1693.

1699.

2. Petr. 1. 27. Fides est prima gratia, & fons omnium
3. edit. aliarum.

1693.

1699.

Marc. 11. 28. Prima gratia, quam Deus concedit Pecca-
25. edst. tori, est peccatorum remissio.

1693.

1699.

29. Extra

29. Extra Ecclesiam nulla conceditur gratia. *Luc. 10.*

35. 36.

ed. 1693.

1699.

30. Omnes, quos Deus vult salvare per Christum, salvantur infallibiliter. *Joan. 6.*

40. edit.

1693.

1699.

31. Desideria Christi semper habent suum esse. *Joan. 20.*
etum; pacem intimo cordium infert, quando eis 19. edit.
illam optat. *1693.*

1699.

32. Jesus Christus se morti tradidit ad liberandum pro semper suo sanguine Primogenitos, id est Electos, de manu Angeli exterminatoris. *Gal. 4. 4.*
5. 6. 7. ed.
1693.

1699.

33. Proh quantum oportet bonis terrenis; & fibimeti renuntiasse, ad hoc ut quis fiduciam habeat sibi, ut ita dicam, appropriandi Christum Jesum, ejus amorem, mortem, & mysteria, ut facit Sanctus Paulus dicens: Qui dilexit me, & tradidit semetipsum pro me. *Gal. 2.*

34. Gratia Adami non producebat nisi merita humana. *2. Cor. 5.*

21. edit.

1693.

35. Gratia Adami est sequela creationis, & erat debita naturae sanæ, & integræ. *2. Cor. 5.*

21. edit.

1693.

1699.

36. Differentia essentialis inter gratiam Adami, & statu innocentiae, ac gratiam Christianam est, quod primam unusquisque in propriâ personâ receperit: ista vero non recipitur, nisi in persona Iesu Christi resuscitati, cui nos uniti sumus. *Rom. 7. 4.*

37. Gratia Adami, sanctificando illum in se. metipso, erat illi proportionata: Gratia Christiana nos sanctificando in Iesu Christo, est omnipotens & digna Filio Dei. *Ephes. 1.*
6. edit.
1693.

1699.

38. Peccator non est liber, nisi ad malum sine gratiâ Liberatoris. *Luc. 8. 29.*
ed. 1693.

29. Volum. 1699.

Matt. 20. 39. Voluntas, quam gratia non prævenit, nihil
3.4. edit. habet luminis, nisi ad aberrandum; ardoris, nisi
1693. ad se præcipitandum; virium, nisi ad se vulneran-
1699. dum; est capax omnis mali, & incapax ad omne bo-
 num.

2. Thes. 3. 40. Sinè gratia nihil amare possumus, nisi ad no-
18. edit. stram condemnationem.

1693.

Rem. I. 41. Omnis cognitio Dei, etiam naturalis, etiani
19. edit. in Philosophis Ethnicis, non potest venire, nisi à Deo,
1693. & sinè gratiâ non producit, nisi præsumptionem, va-
1699. nitatem, & oppositionem ad ipsum Deum, loco affe-
 ctuum adorationis, gratitudinis, & amoris.

Act. 11. 9. 42. Sola gratia Christi reddit hominem aptum
ed. 1693. ad Sacrificium Fidei; sinè hoc nihil nisi impuri-
1699. tas; nihil nisi indignitas.

Rom. 6. 2. 43. Primus effectus gratiæ baptismatis est facere,
ed. 1699. ut moriamur peccato; ad eò ut spiritus, cor, sensus
 non habeant plus vitæ pro peccato, quam homo
 mortuus habeat pro rebus Mundi.

Joan. 5. 44. Non sunt nisi duo amores, unde voluntates,
29. edit. & actiones omnes nostræ nascuntur; Amor Dei, qui
1693. omnia agit propter Deum; quemque Deus remune-
1699. ratur; & Amor, quo nos ipso, ac Mundum diligi-
 mus, qui quod ad Deum referendum est, non refert,
 & propter hoc ipsum fit malus.

Luc. 15. 45. Amore Dei in corde Peccatorum non amplius
13. edit. regnante, necesse est, ut in eo carnalis regnet cupi-
1693. ditas, omnesque actiones eius corrumpat.

Matt. 5. 46. Cupiditas, aut Charitas, usum sensuum
28. edit. bonum, vel malum faciunt.

1693.

1699.

Matt. 23. 47. Obedientia legis profluere debet ex fonte; &
26. edit. hic fons est Charitas. Quando Dei amor est illius
1693. principium interius, & Dei gloria ejus finis, tunc
 purum est, quod appetet exterius; alioquin non est,
 nisi hypocrisia, aut falsa justitia.

Ephes. 5. 8 48. Quid aliud esse possumus, nisi tenebræ, nisi
ed. 1693. aberratio, & nisi peccatum sinè fidei lumine, sinè
1699. Christo, & sinè Charitate?

49. Ut

49. Ut nullum peccatum est sine amore nostri, *Marc. 7.*
ita nullum est opus bonum sine amore Dei. 22. 23. ed.
1693. 1699.
50. Frustra clamamus ad Deum, Pater mi : si *Rom. 8.*
spiritus Charitatis non est ille, qui clamat. 15. edit.
1693. 1699.
51. Fides justificat, quando operatur; sed ipsa *Act. 13.*
non operatur, nisi per Charitatem. 39. edit.
1693. 1699.
52. Omnia alia salutis media continentur in fide, *Actor. 10.*
tanquam in suo germine, & semine; Sed hæc fides 43. edit.
non est absque amore, & fiduciâ. 1693. 1699.
53. Sola Charitas Christiano modo facit (actio *Coloss. 3.*
nes Christianas) per relationem ad Deum, & 14. edit.
Jesum Christum. 1693. 1699.
54. Sole Charitas est, quæ Deo loquitur, eam *I. Cor.*
solam Deus audit. 13. edit. 1693. 1699.
55. Deus non coronat, nisi Charitatem; qui *I. Cor. 9.*
currit ex alio impulso, & ex alio motivo, in vanum 24. edit.
currit. 1693. 1699.
56. Deus non remunerat nisi Charitatem, quo *Matt. 25.*
niam charitas sola Deum honorat. 36. edit. 1693. 1699.
57. Totum deëst Peccatori, quando ei deëst spes, *Matt. 27.*
& non est ipes in Deo, ubi non est amor Dei. 5. edit.
1693. 1699.
58. Nec Deus est, nec Religio, ubi non est *I. Joan.*
Charitas. 4. 8. edit. 1693. 1699.
- P
59. Ora.

- Joan. 10. 59. Oratio impiorum est novum peccatum, &
 25. edit. quod Deus illis concedit, est novum in eos iudicium.
 1693.
- Matt. 27. 60. Si solus supplicii timor animat pœnitentiam,
 5. edit. quod hæc est magis violenta, eò magis dicit ad de-
 1693. sperationem.
- 1699.
- Luc. 20. 61. Timor non nisi manum cohibet, cor autem
 19. edit. tamdiu peccato addicitur, quamdiu ab amore justitiae
 1693. non dicitur.
- 1699.
- Matt. 21. 62. Qui à malo non abstinet, nisi timore pœnæ,
 46. edit. illud committit in corde suo, & jam est Reus coram
 1693. Deo.
- 1699.
- Rom. 6. 63. Baptizatus adhuc est sub lege sicut Iudeus,
 14. edit. si legem non adimpleat, aut adimpleat ex solo
 1693. timore.
- 1699.
- Gal. 5. 18 64. Sub maledicto legis numquam sit bonum,
 ed. 1693. quia peccatur sive faciendo malum, sive illud non
 1699. nisi ob timorem evitando.
- Marc. 12. 65. Moyses, Prophetæ, Sacerdotes, & Docto-
 19. edit. res legis mortui sunt, absque eo quod ullum Deo
 1693. dederint filium, cum non efficerint nisi mancipia
 1699. per timorem.
- Hebr. 12. 66. Qui vult Deo appropinquare, nec debet ad
 10. edit. ipsum venire cum brutalibus passionibus, neque ad-
 1693. duci per instinctum naturalem, aut per timorem
 sicuti Bestiæ, sed per fidem, & per amorem sicuti
 filii.
- Luc. 19. 67. Timor servilis non sibi repræsentat Deum,
 21. edit. nisi ut Dominum durum, imperiosum, injustum,
 1699. intractabilem.
- Act. 2. 21 68. Dei Bonitas abbreviavit viam salutis clau-
 ed. 1693. dendo totum in Fide, & precibus.
- 1699.
- Marc. 9. 69. Fides, usus, augmentum, & præmium
 22. edit. Fidei, totum est donum puræ liberalitatis Dei.
- 1693.
- 1699.
70. Num-

70. Numquam Deus affligit innocentes, & affligit. *Ioan. 3.*
Etiones semper serviunt, vel ad puniendum pecca- *5. edit.*
tum, vel ad purificandum Peccatorem. *1693.*
71. Homo ob sui conservationem potest sese dis. *1699.*
pensare ab ea lege, quam Deus condidit propriè *Marc. 2.*
eius utilitatem. *28. edit.*
1693.
72. Nota Ecclesiæ Christianæ est, quod sit Catho- *1699.*
lica, comprehendens & omnes Angelos Cœli, & *Hebr. 12.*
omnes Electos, & justos terræ, & omnium Sæcu- *22.23.24.*
lorum. *et 1693.*
73. Quid est Ecclesia, nisi coetus Filiorum Dei, *1699.*
manentium in ejus sinu, adoptatorum in Christo, *2 Thess. 1.*
subsistentium in ejus personâ, redemptorum ejus *.2. edit.*
sanguine, viventium ejus spiritu, agentium per *1693.*
ejus gratiam, & expectantium gratiam futuri læ-
culi.
74. Ecclesia, sive integer Christus Incarnatum *1. Tim. 3.*
Verbum habet ut Caput, omnes vero Sanctos ut *6. edit.*
membra. *1693.*
75. Ecclesia est unus solus homo, compositus *1699.*
ex pluribus membris, quorum Christus est Caput, *Ephes. 12.*
vita, subsistentia & persona; Unus solus Christus, *14.15.16.*
compositus ex pluribus Sanctis, quorum est San- *ed. 1693.*
ctificator. *1699.*
76. Nihil spacioius Ecclesiâ Dei, quia omnes *Ephes. 2.*
Electi, & justi omnium sæculorum illam compo- *22. edit.*
nunt. *1693.*
1699.
77. Qui non dicit vitam dignam Filio Dei, *1. Ioan.*
& membro Christi, cessat interius habere Deum *22. edit.*
pro Patre, & Christum pro Capite. *1693.*
78. Separatur quis à populo Electo, cuius si- *Act 3.23.*
gura fuit populus Judaicus, & caput est Jesus Chri- *ed. 1693.*
stus, tam non vivendo secundum Evangelium, *1699.*
quàm non credendo Evangelio.
79. Utile, & necessarium est omni tempore, *1. Cor. 14.*
omni loco, & omni personarum generi studere, *5. edit.*
& cognoscere spiritum, Pietatem, & Mysteria Sa- *1693.*
crae Scripturæ. *1699.*

Act. 8.28 80. Lectio Sacrae Scripturæ est pro omnibus.

ed. 1693.

1699.

Act. 8.31. 81. Obscuritas Sancti Verbi Dei non est Laicis
ed 1693. ratio dispensandi se ipsos ab ejus lectione.

1699.

Act. 15.1. 82. Dies Dominicus à Christianis debet sancti-
21. edit. ficiari lectionibus pietatis, & super omnia Sancta-
1693. rum Scripturarum. Damnosum est velle Christia-
1699. num ab hac lectione retrahere.

Joan. 4. 83. Est illusio sibi persuadere, quod notitia My-
26. edit. steriorum Religionis non debeat communicari fœ-
1693. minis lectione Sactorum librorum. Non ex fœ-
1699. minarum simplicitate, sed ex superba Vitorum
scientiæ ortus est Scripturarum abusus, & natæ
sunt hæreses.

Matt. 5.2. 84. Abripere è Christianorum manibus novum
ed. 1693. Testamentum, seu eis illud clavum tenere, au-
1699. ferendo eis modum illud intelligendi, est illis
Christi os obturare.

Luc. 11. 85. Interdicere Christianis lectionem Sacrae
33. edit. Scripturæ, præterim Evangelii, est interdicere
1693. usum luminis filii lucis, & facere ut patientur
speciem quamdam excommunicationis.

1. Cor. 14. 86. Eripere simplici Populo hoc solatum, jun-
16. edit. gendi vocem suam voce totius Ecclesiae, est usus
1693. contrarius praxi Apostolicæ, & intentioni Dei.

1699.

Act. 9.9. 87. Modus plenus sapientiæ, lumine, & Cha-
ed. 1693. ritate, est dare animabus tempus portandi cum
1699. humilitate, & sentiendi statum peccati, petendi
spiritum pœnitentiæ, & conititionis, & incipiendi,
ad minus, satisfacere justitiae Dei, antequam re-
concilientur.

Luc. 17. 88. Ignoramus quid sit peccatum, & vera pœ-
11. 12. nitentia, quando volumus statim restituimus posses-
ed. 1693. sionibonorum illorum, quibus nos peccatum spolia-
1699. vit, & detrectans separationis istius ferre con-
fusionem.

89. Quartus decimus gradus conversionis pec- *Luc. 15.*
catoris est , quod , cum sit jam reconciliatus , *23. edit.*
habet jus assistendi Sacrificio Ecclesiæ . *1693.*

90. Ecclesia autoritatem excommunicandi ha- *Matt. 18.*
bet , ut eam exerceat per primos Pastores de con- *17. edit.*
fensu , saltem præsumpto , totius corporis . *1693.*
1699.

91. Excommunicationis injustæ metus num. *Joan. 9.*
quam debet nos impedire ab implendo debito no. *22. 23.*
stro : numquam eximus ab Ecclesiâ , etiam quando *ed. 1693.*
hominum nequitia videmur ab eâ expulsi , quan- *1699.*
do Deo , Jesu Christo , atque ipsi Ecclesiæ per
Charitatem affixi sumus .

92. Pati potius in pace excommunicationem , *Rom. 9.3.*
& anathema injustum , quam prodere veritatem , *ed. 1693.*
est imitari Sanctum Paulum : tantum obest , ut *1699.*
sit erigere se contra Authoritatem , aut scindere
unitatem .

93. Jesus quandoque sanat vulnera , quæ præ *Joan. 18.*
ceps Primorum Pastorum festinatio infligit sine *11. edit.*
ipsius mandato ; Jesus restituit , quod ipsi incon- *1693.*
siderato zelo rescindunt . *1699.*

94. Nihil pejorem de Ecclesiâ opinionem in- *Rom. 14.*
gerit ejus inimicis , quam videre illic dominatum *16. edit.*
exerceri suprà fidem fidelium , & foveti divisiones *1693.*
propter res , quæ nec fidem lœdunt , nec mores . *1699.*

95. Veritates cō devenerunt , ut sint lingua *1. Cor. 14*
quasi peregrina plerisque Christianis , & modus *21. edit.*
eas prædicandi est veluti idioma incognitum : adeò *1699.*
remotus est à simplicitate Apostolorum , & supra
communem captum fidelium ; neque satis adver-
tiur , quod hic defectus sit unum ex signis maxi-
mè sensibilibus senectutis Ecclesiæ , & iuxæ Dei in
Filios suos .

96. Deus permittit , ut omnes Potestates sint *Act. 17. 8*
contrariæ Prædictoribus veritatis , ut ejus victo- *ed. 1693.*
ria attribui non possit , nisi Divinæ gratiæ . *1699.*

97. Nimis sæpè contingit membra illa , quæ *Act. 4. 11*
magis sancte , ac magis stricte unita Ecclesiæ *ed. 1699.*

sunt, respici, atque tractari tamquam indigna, ut sint in Ecclesia, vel tanquam ab eâ separata; sed justus vivit ex fide, & non ex opinione hominum.

Luc. 22.

37 edit.

1693.

1699.

98. Status persecutionis & pœnarum, quas quis tolerat tamquam hæreticus, flagitosus, & impius, ultima plerumque probatio est, & maximè meritaria, utpote quæ facit hominem magis conformatem Jesu Christo.

2. Cor 2.

36. edit.

1693.

1699.

99. Pervicacia, præventio, obstinatio in nolendo, aut aliquid examinare, aut agnoscere se fuisse decepum, mutant quotidiè quoad multos in odorem mortis id, quod Deus in suâ Ecclesia posuit, ut in ea esset odor vitae, V. G bonos liberos, instructiones, sancta exempla &c.

Joan. 16.

2. edit.

1693.

1699.

100. Tempus deplorabile, quo creditur honori Dei, persequendo veritatem, ejusque discipulos. Tempus hoc advenit.... Haberi & tractari à Religionis Ministri, tamquam impium & indignum omni commercio cum Deo, tamquam membrum putridum capax corrumpendi omnia in societate Sanctorum, est hominibus piis morte corporis mors terribilior. Frustra quis sibi blanditur de suarum intentionum puritate, & zelo quodam Religionis, persequendo flammâ ferroque viros probos, si propriâ passione est excæcatus, aut abreptus alienâ, propterea quod nihil vult examinare. Frequenter credimus sacrificare Deo impium, & sacrificamus diabolo Dei servum.

Mattb. 5. 101. Nihil spiritui Dei, & doctrinæ Jesu Christi

37. edit. magis opponitur, quam communia facere jura-

1693. mena in Ecclesiâ, quia hoc est multiplicare oc-

1699. casiones pejerandi, laqueos tendere infirmis, &

idictis, & efficere, ut nomen, & veritas Dei aliquando deserviant consilio impiorum.

Auditis itaque tûm voce, tûm scripto Nobis exhibitis præfatorum Cardinalium, aliorumque Theologorum suffragiis, Divinique in primis luminis, privatis ad eum finem, publicisque etiam idictis precibus, implorato præsidio; omnes & singulas

Pro-

Propositiones præinsertas ; tanquam fallas , captio-
fas , malè sonantes , piarum aurium offensivas ,
scandalosas , pernicioseas , temerarias , Ecclesiæ , &
eius praxi injuriosas , neque in Ecclesiam solùm ,
sed etiam in Potestates sacerdotali contumeliosas , sedi-
tiosas , impias , blasphemas , suspectas de hæresi ,
ac hæresim ipsam sapientes , nec non hæreticis ,
& hæresibus , ac etiam schismati faventes , erro-
neas , hæresi proximas , pluriè damnatas , ac de-
mùm etiam hæreticas , variaſque hæreses , & po-
tissimum illas , quæ in famosis Jansenii Proposi-
tionibus , & quidem in eo sensu , in quo hædamnatae
fuerunt , acceptis , continentur , manifestè
innovantes , respectivè , hæc nostrâ perpetuò va-
litrâ Constitutione declaramus , damnamus , &
reprobamus .

Mandantes omnibus utriusque sexus Christi Fi-
delibus , ne de dictis Propositionibus sentire , do-
cere , prædicare aliter præsumant , quām in hac
eadem nostra Constitutione continentur ; ita ut qui-
cumque illas , vel illarum aliquam conjunctim ,
vel divisim docuerit , defenderit , ediderit , aut
de eis , etiam disputativè , publicè aut privatim
tractaverit , nisi forsitan impugnando , Ecclesiasticis
Censuris , aliisque contra similia perpetrantes à jure
statutis pœnis ipso facto , absque alia declaratione
subjaceat .

Cæterum per expressam præfatarum Propositi-
onum reprobationem alia in eodem libro contenta
nullatenus approbare intendimus ; cum præferrimus
in decursu examinis complures alias in eo depre-
henderimus Propositiones illis , quæ , ut suprà ,
damnatae fuerunt , consimiles , & affines , iisdem
que erroribus imbutas : nec sanè paucas sub ima-
ginario quodam , veluti grassantis hodie persecu-
tionis obtentu , inobedientiam , & petivitaciam
nutrientes , easque fallo Christianæ patientiæ no-
mine prædicantes ; quas propterea singulatum re-
censere , & nimis longum esse duximus , & mi-
nimè decessarium ; ac demùm , quod intolerabi-

Ius est , Sacrum ipsum novi Testamenti Textum
damnabile et vitiatum compererimus , & alteri du-
dum reprobatae versioni Gallicæ Montensi in mul-
tis conformem : à vulgatâ verò editione , quæ tot
seculorum usu in Ecclesia probata est , aiquæ ab
Orthodoxis omnibus pro authenticâ haberi debet ,
multipliciter discrepantem , & aberrantem , plu-
riesque in alienos , exoticos , ac sàpè noxios sen-
sus , non sine maximâ per versitatem detorium .

Eundem propterea Librum , utpote per dulces
sermones , & benedictiones , ut Apostolus loqui-
tur , hoc est , sub falsâ piæ institutionis imagine ,
seducendis innocentium cordibus longè accomo-
datum , sive præmissis , sive alio quovis titulo in-
scriptum , ubicumque , & quocumque alio idio-
mate , seu quavis editione , aut versione hæte-
nus impressum , aut imposterum (quod absit)
imprimendum , auctoritate Apostolicâ tenore præ-
sentium iterum prohibemus , ac similiter damna-
mus ; quemadmodum etiam alios omnes , & sin-
gulos in ejus defensionem tam scripto , quam
typis editos , seu forsan (quod Deus avertat)
edendos libros , seu libellos , eorumque lectionem ,
descriptionem , retentionem , & usum omnibus ,
& singulis Christi fidelibus sub pœnâ excommu-
nicationis per contra facientes ipso facto incur-
renda , prohibemus pariter , & interdicimus .

Præcipimus insuper Venerabilibus Fratribus Pa-
triarchis , Archiepiscopis , & Episcopis , aliisque
locorum Ordinariis ; nec non hæreticæ pravitatis
Inquisitoribus , ut contradictores , & rebelles quo-
cumque per Censuras , & pœnas prætatas , aliaque
Juris & facti remedia , invocato etiam ad hoc , si
opus fuerit , brachii secularis auxilio , omnino
coerceant , & compellant .

Volumus autem , ut earumdem præsentium tran-
sumptis , etiam impressis , manu alicujus Notarii
publici subscriptis , & sigillô personæ in dignitate
Ecclesiasticâ constitutæ munitis eadem fides pro-
fusa adhibeatur , quæ ipsis originalibus litteris ad-
hiberetur , si forent exhibitæ , vel ostensæ .

Nulli ergo hominum liceat hanc paginam nostræ declarationis, damnationis, mandati, prohibitionis, & interdictionis infringere, vel ei ausu temerario contraire. Si quis autem hoc attentare præsumperit, indignationem Omnipotentis Dei, ac beatorum Petri, & Pauli Apostolorum ejus se noverit incursum. Datum Romæ apud Sanctam Mariam Majorem Anno incarnationis Dominicæ Millesimo septingentesimo decimo tertio sexto Idus Septembbris, Pontificatus Nostri Anno Decimo tertio, I. Card. Prodatarius.

F. Oliverius.

Visa de Curia L. Sergardus.

Loco  Plumbi.

Registrata in Secretaria Brevium.

L. Martinettus.

Anno à Nativitate Domini nostri Jesu Christi Millesimo septingentesimo decimo tertio, Indictione sextâ, die verò decimi Septembbris, Pontificatus Sanctissimi in Christo Patris, & Domini nostri Domini Clementis Divina Providentia Pape XI. Anno decimo tertio suradictæ Litteræ Apostolica affixa, & publicata fuerunt ad valvas Ecclesia Lateranens., & Basilice Principis Apostolorum, Cancellaria Apostolica, Curiæ Generalis in Monte Citorio, in acie Campi Flora, ac in aliis locis solitis, & consuetis Urbis per me Petrum Romulatum Apostolicum Cursorem.

Antonius Placentinus Magister Cursorum.

Vix hæc Constitutio in Lucem prodierat, quin plures exclamarint prostratam esse à Clemente Gratiā ab Intrinseco efficacem, seu Victricem.

Libelli ubique sparsi contenderunt in materiâ de gratiâ actum esse de Doctrinâ SS. Augustini & Thomæ, actum esse de Scholâ Thomistica; atque hoc collimasse les Censeurs remplis des Idées de Molinisme, & du Sfonderatisme, & Livrées à une basse, & indigne Scolastique bien différente DE CELLE de St. THOMAS.

Scilicet

Scilicet Authores Libellorum ad extremas redactas angustias sub S. Thomæ pallio, tanquam sub alis sed frustra cupiunt Latitare.

*Non est
damnata
per hanc
novissi-
mam Con-
stitutio-
nem gra-
tia per se
efficax.*

Sanè non est damnata, non est tacta per hujus constitutionem Pontificis, nec per ulla Antecelosum decreta *Gratia per se efficax*. Notissimum est Theologis, quot certatim præconia supremi Ecclesiæ Moderatores (quos inter recensentur *Innocentius X.*, & *Alexander VII.* Jansenismi profligatores) notissimum est, inquam, quot illi præconia tribuerint doctrinæ SS. Augustini, & Thomæ acer- rimorum gratiæ per se efficacis, vetricis, triumphaticis propugnatorum. Non est actum de Scholâ Thomistica. Vidimus è contra superiùs post Propositionem s. Jansenii pag. 77. Patrem Annatum Molinistarum sui temporis ducem, hunc uni ex operibus suis titulum præfixile. *Jansenius à Thomistis gratiæ per se efficacis defensoribus damnatus*: quod in toto libro invictè demonstrat.

Nonnè & P. Stephanus Deschamps Jansenistarum malleus lib. 2. de hæresi Jansenianæ disp. 6. cap. 9. hæc pro Dominicanis scribit? Glorientur licet Janseniani tot se nuperi dogmatis habere Patronos, quot physica prædeterminationis, seu gratiæ de se efficacis, defensores existunt; verè tamen mibi videor esse dicturus, nullos huic doctrina infensores reperiri, quam qui post natam Calvini hæresim ex D. Dominici Ordine majoris eruditionis, & ingenii laude floruerunt. Notet hæc Liberius Gratianus, qui nuper effugiit; quod doctrina de gratiâ efficacis sit merum Lutheri, & Calvini commentum.

Non est igitur quod gratiæ efficaci timeamus, ut illam non *Innocentius*, non *Alexander*, ita nec *Clemens* feriit.

Hoc postremū ilquet etiam ex eo, quod nuperimè Romæ contigit, ubi Theses quædam publicæ sustinentes efficacem Thomistarum *Gratiam* in Quesnelianis de Gratia tractantibus esse à Clemente damnatam, fuerunt prohibitæ, nostris interim & PP. Augustinianis de mandato Reverendissimis

dissimotum Generalium in Urbe oppositum publicæ disputationi summo cum applausu exponentibus, Non ignorant etiam literati, qui eodem gratia efficax in famosis Congregationibus de auxiliis sub Clemente VIII, & Paulo V. celebratis consulitorum eam in rem à S. Sede deputatorum judicio triumpharit: ut invictè demonstrant sincera acta ipsarum Congregationum nuper in lucem edita, ac deinde adversus quandam adversæ partis historiam asserta forriter & vindicata.

Porro Propositiones Quesnel concernentes materiam de gratiâ, loquuntur (quod accuratè advertendum) indefinite: Propositio autem indefinita æquivalet universalis: proinde, dum dicit Quesnel, *Gratia Iesu Christi... est suprema, invincibilis...* Gratiam nihil impedire potest, aut retardare. Nulla voluntas humana ei resistit &c.; hoc idem est, ac si diceret, OMNIS Gratia Iesu Christi est suprema... invincibilis. OMNEM gratiam nihil impedire potest, aut retardare OMNI gratiæ nulla voluntas humana resistit. Seu nulla est gratia, cui voluntas humana resistit, quod sanè falso est, ac justissimè tūm in secundâ Jansenianâ, quæ Non placuit est hæc; Gratia interior in statu naturæ lapse numquam resistitur, tūm in hisce Propositionibus confixum. Omnem Jansenius in suo Augustino nulla est operam, laborem, studium, nervos, & vires in solius gratiæ efficacis assertionem intendit. Hinc crebrò repetit. Omnis Christi gratia est efficax; numquam illa suo caret effectu: semper afferat fructum suum. Sed & ista reluent in Propositionibus Quesnel. Atque HOC EST, quod in ipsis prælens damnavit Pontificis Constitutio, scilicet, quod OMNIS gratia Christi sit efficax, suprema, invincibilis; quod numquam illa suo caret effectu, quod semper afferat fructum suum, quod nulla voluntas humana ei resistat &c. Proindeque nulla detur gratia sufficiens.

Desinat igitur adversarii efficacem Thomistarum gratiam condemnatione Pontificiâ involvere. Ecclesiæ

gl̄: ḡniā
milla oft
(fir dorot
irrofraya-
bilis Sgola
Srotistarum)
gratia ab
infructo
efficit:
aliogitū
par tam
tullit.
liberatib
adrogab et
mortificare.

cicis perспектum est, Thomistas, præter efficacem, admittere, & omnibus viribus propugnare gratiam Christi verè sufficientem, gratiam, quæ suo carcat effectu, quæ non semper afferat fructum suum, gratiam, cui voluntas humana resistat.

Errorem non amplectitur Schola tot laboribus exantlati pro Ecclesiâ, tot meritis, tot relatis de falsitate triumphis conspicua.

Progre diamur modo ad ipsas Propositiones.

Pro majori claritate, & ordine eas partiemur in varias materias. 1. Agemus de efficaciâ gratiæ. 2. De operibus factis sinè gratiâ. 3. De gratiâ Adami. 4. De virtutibus Theologicis. 5. De morte Christi. 6. De Ecclesiâ. 7. De Lege veteri, & novâ. 8. De Timore, & amore. 9. De afflictione Innocentis. 10. De dispensatione à Lege. 11. De administratione Pœnitentiæ. 12. De excommunicatione, & persecuzione. 13. De lectio ne Scripturæ Sacræ, &c. 14. De Juramento. 15. De relatione operum in Deum.

Dividemus Propositiones in numeros 101, totidem Propositionibus correspondentes.

De efficacia Gratiæ.

*Efficacia
gratia.*

I. **G**ratia Christi est Gratia suprema, sinè quam confiteri Christum numquam possumus, & cum quam numquam illum abnegamus. Est Proposition 9.

Itaque sinè gratiæ efficaci (quæ hic vocatur *suprema*) Christum confiteri numquam possumus. Hoc falsum est: & instaurat Propositionem famosi Arnaldi, quod scilicet Petrus defectu gratiæ efficacis Christum confiteri non potuerit. Potuit enim Christum confiteri per gratiam sufficientem, quæ Petro non defuit. Porro assertio Quenel eò collimat, quod sicut Petrus gratiæ privatus efficaci non potuit trinam negationem, ita nec alius quilibet posset eodem orbatus auxilio peccatum aliud quoddam mortale evitare. Sanè illud evitare possumus per gratiam sufficientem; licet ut actu evitetur, requiratur

ratur gratia efficax. Vide supra 1. & 2. Jansenianam, atque illuc varia loca SS. Augustini & Thomae veritati patrocinantia.

Porro hic non admittit aliam veram Christi gratiam, quam efficacem, patet ex verbis illis: *cum quā nunquam illum abnegamus.* Etenim cum gratiā efficaci nunquam Christum abnegamus.

2. *Gratia est operatio manus omnipotentis Dei, quam nihil impedire potest, aut retardare.* Est 10.

Omnis Gratia (est enim propositio indefinita æquivalens universalis, quod serio, ac universaliter hāc in materiā est obserendum) est operatio manus omnipotentis Dei, facientis potentiam in brachio suo Lucæ 1., seu, omnis gratia est efficax; quam nihil impedire potest, aut retardare.

Gratia quidem efficax de facto non impeditur, aut retardatur, illi non resistitur; *hac enim ideo tribuitur, ut cordis duritia primitus auferatur.* S. Augustinus lib. de Prædest. Sanctorum cap. 8. Illa tamen potest impediiri, aut retardari, illi potest resisti. Contrarium damnatum fuit in Jansenio Propositione 4. Sic verò D. THOMAS quodlibeto 1. art. 1. ad 1. Deus omnia moveat secundum modum eorum, & ideo Divina motio à quibusdam participatur cum necessitate, à naturā rationali cum libertate, propter hoc, quod virtus rationalis se habet ad opposita: & ideo sic Deus moveat mentem humanam ad bonum, (id non si nisi per gratiam) QUOD POSSIT HUIC MOTIONI RESISTERE.

3. *Gratia non est aliud, quam voluntas omnipotentis Dei, jubentis, & facientis quod jubet.* Est 11.

Idem, quod priùs: *omnis gratia est efficax;* igitur nulla est, cui resistitur. Est secunda Janseniana.

Sic autem D. THOMAS. Lect. 1. in cap. 12. prioris ad Corinth. Potest homo peccarum facere ex defectu voluntatis humanae, qua Spiritui Sancto RESISTIT secundum illud Actor. 7. Vos autem Spiritui Sancto resistitis.

4. Quando Deus vult animam salvam facere, Eam tangit interior gratiae suae manu; nulla voluntas humana ei resistit. Est 13.

3. Janseniana talis erat. Interiori gratiae in statu naturae lapsa numquam restitutur. Si gratiae interiori numquam resistatur; ergo gratia interior sive oblata, sive habita ab homine, numquam repelitur, numquam in vacuum recipitur, sed suum semper producit effectum: unde iterum nulla datur gratia inefficax, sufficiens, seu tantummodo dans posse.

5. Quantumcumque remotus a salute sit peccator, obstinatus, quando Jesus est se videndum exhibet lumine salutari sue gratiae, oportet ut se dedat, accurrat, seje humiliet, Ego adoret Salvatorem suum. Est 14.

Itaque necessarium est, ut peccator obstinatus miserantis Dei gratiae reluctantem subdat voluntatem. Non igitur rursus potest Divinæ gratiae resistere.

Habet quidem Deus, inquit Augustinus Libro de corrept. & gratia, humanorum cor iuum, quo plauerit, inclinandorum omnipotentissimam potestatem: sed Deus, ait supra D. THOMAS fidelissimus ejus interpres, sic movet mentem humanam ad bonum, quod possit huic motioni resistere. Et q. 6. de malo ad 3. Deus movet quidem voluntatem immutabiliter propter efficaciam virtutis moventis, quæ deficere non potest, sed propter naturam voluntatis motæ, quæ indifferenter se habet ad multa, non inducitur necessitas, sed manet libertas, quæ sanè tollitur, si homo necessario Divinæ se gratiae substeriat.

6. Quando Deus mandatum suum, Ego suam externam locutionem comitatur unctione sui Spiritus, E interiori vi gratiae sua, operatur illa in corde obedientiam, quam petit. Est 15.

Si Deus igitur interiori vi gratiae sua operetur semper obedientiam, quam petit; ergo gratia interior numquam suo privatur effectu, ergo numquam ei resistitur.

7. Nul-

7. Nulla sunt illecebrae, quae non cedant illecebri gratia, quia nihil resistit Omnipotenti. Est 16.

Nulla iherum gratia, quae non producat esse. Etum. Qui igitur verum est illud Act. 7. *Vos autem spiritui sancto resistitis?* & istud: *exhortamus vos, ne in vacuum gratiam Dei recipiatis?* certè hoc dici non posset, si non quandòque invanum gratia Dei reciperetur. Undè rectè D. THOMAS I. p. q. 62. art. 3. ad 2. *Aliquis habens gratiam potest eam non uti, et peccare.*

8. *Gratia est vox illa Patris, quae homines interioris docet: hac eos venire facit ad Jesum Christum, quicunque ad eum non venit, postquam audivit vocem exteriorem Filii, nullatenus est doctus a Patre.* Est 17.

En quicunque non venit ad Jesum Christum; nullatenus ille est doctus a Patre. Nullam is habet gratiam. Etenim præter efficacem (quā venitur ad Christum) nullam aliam Christi gratiam agnoscit Quesnel. Sed hoc jam aliquoties refutatum est. Ultrà efficacem enim datur & gratia sufficiens: qui hanc instructus est, is verè est doctus à Patre. Per hanc intellectus anteà involutus tenebris, illuminatus est ad considerandum ea, quae annuntiantur, vel proponuntur. Per hanc excitata est voluntas ad concipiendum aliquid emendandæ virtutē desiderium, piam affectionem, aliosque motus salutares. Per hanc homo disponitur ad gratiam ulteriore recipiendam. Undè enixè & ferventer rogare debet Patrem misericordiarum 2. Corinth. 1., ut Divinæ complementum doctrinæ, gratiam, inquam, efficacem, & victricem sibi largiri dignetur, quā actualiter ad Christum veniat, fortiterque, & suaviter trahatur.

9. *Semen verbi, quod manus Dei irrigat, semper affert fructum suum.* Est 18.

D. Augustinus enarratione in Psalm. 124. *Cor eorum, inquit, fit durum adversus imbum diuinæ gratiæ, ne fructum ferat. Semen igitur verbi; quod etiam manus Dei, seu gratia irrigat,*

non semper afferit fructum suum. Quoties ei voluntas humana non resistit ! quoties impedit , ne divina pluvia cor emolliat ! Damnata propositio coincidit cum 2. Jansenianis.

10. Dei gratia nihil aliud est , quam ejus omnipotens voluntas : hac est idea , quam Deus ipse nobis tradit in omnibus suis Scripturis . Est 19.

Ergone solam gratiam efficacem (quæ per diuinam omnipotentiam exprimitur) Deus nobis tradidit in omnibus suis Scripturis ? Sanè Deus , qui dixit Ezech. 36. faciam , ut in preceptis meis ambuleatis , & mandata mea custodiaris : voluntati ejus quis resistit ? ad Rom. 9. Qui dixit : Deus est , qui operatur in nobis velle , & perficere secundum suam voluntatem ad Philipp. 2. ; qui dixit Psalm. 58. Misericordia ejus præveniet me.... qui dixit Joan. 6. Nemo venit ad me , nisi Pater meus traxerit eum , quæ omnia intelliguntur de gratiâ effici ; Deus inquam , dixit etiam Act. 7. Vos autem spiritui sancto resistitis . Exhortamur , ne in vacuum gratiam Dei recipiatis . 2. ad Corinth. 6. Dixit etiam ad Thessal. 5. Spiritum nolite extinguere , & ad Hæbraeos 12. Contemplantes , ne quis desit gratia Dei . Ecce igitur gratiam quoque sufficientem , seu gratiam , cui resistitur &c. in Scripturis traditam .

11. Vera gratia idea est , quod Deus vult sibi à nobis obediri , & obeditur ; imperat , & omnia fiunt , loquitur tamquam Dominus , & omnia sibi submissa sunt . Est 20.

Itaque vera gratiæ (intellige omnis gratiæ , cum sit propositio indefinita) vera gratiæ idea est , quod Deus vult sibi à nobis obediiri , & obeditur . An profectò Deo obeditur , dum spiritus sancto resistit ? Act. 7.

12. Gratia Jesu Christi est gratia fortis , potens , suprema , invincibilis , utpote qua est operatio voluntatis Omnipotentis , sequela & imitatio operationis Dei Incarnantis , & Resuscitantis filium suum . Est 21.

Ut ergo operatio Dei Incarnantis, & Resuſci-
rantis filium suum omni ſinē dubio iefiſtentia
est superior; ita *omnis gratia Iefu Christi* uipote
juxta Quesnel ſemper *fortis, potens, ſuprema, invincibilis*, quia eſt operatio voluntatis, & imi-
tatio prædictæ operationis de Deo incarnante &c.
Cunctam ſuperat, frangit, elidit iefiſtentiam.
Proinde *gratia interiori* numquam iefiſtitur.

13. *Concordia omnipotens operationis Dei in corde hominis cum libero ipsius voluntatis conſenſu, demonstratur illico nobis in Incarnatione, veluti fonte, atque archetypo omnium aliarum operationum misericordia, & gratia, qua omnes ita gratuitæ, atque dependentes à Deo ſunt, ſicut ipsa originalis operatio.* Eſt 22.

Sanè ſicut natura humana Christi tantum paſſi-
vè ſe habuit ad actionem Dei illam cum verbo
unieniſ, ita liberum arbitrium, juxta *Propofitio-*
nem ſe habet ad omnipotentem operationem Dei
in corde hominis, ſeu ad gratiam. Egregia liberii
arbitrii cum gratiâ concordia. Jam dudum Tridentina Synodus ſeff. 6. de justificatione canone 4.
pronuntiarat: *Si quis dixerit liberum hominis ar-*
bitrium merè paſſiū ſe habere, anathema fit: &
D. THOMAS I. p. q. 105. art. 5. in corp. dixerat.
Sic intelligendum eſt Deum operari in rebus, quod
tamen ipsa res PROPRIAM HABEANT OPERA-
NEM. Hoc conſimilatur tum articulo 4. ad 3. ubi
dicitur. *Per hoc, quod voluntas moveatur ab alio,*
non excluditur, quin moveatur ex ſe: tum queſit.
de veritate a. i. ad 5. Aliquid potest eſſe ita ab
alio motum, quod tamen ſeipſum moveat, & ita
eſt de mente huminâ mota à Deo per Gratiam.
Vide etiam numerum 15.

14. *Deus ipſe nobis ideam tradidit omnipotentis operationis ſuę gratia, eam significans per illam,*
quā Creaturas ēnihil prodiſit & mortuis reddit
vitam. Eſt 23. De hac illico.

15. *Justa idea, quam Centurio habet de omnipo-*
tentiâ Dei, & Iefu Christi in ſanandis corporibus

solo motu sua voluntatis, est imago idea, quæ haberi debet de omnipotentiâ sua grata in sanandis animabus à cupiditate. Est 24.

Hæc assertio, uii & precedens (illis quoque annumerari potest Propositio numero 13.) istæ, inquam, Positiones eò tendunt, quod gratia interiori numquam resistatur. Non resistit humana Christi natura Deo verbum sibi Hypostaticè unioni: nec resistit creatura Deo, dum è nihilo eruitur; nec mortuus, dum virtù redditur, nec resistebant corpora, quæ solo nutu voluntatis Christi sanabantur.

16. Deus illuminat animam, & eam sanat aquæ, ac corpus solâ suâ voluntate, jubet, & ipsi obtemperatur. Est 25.

Idem quod statim: confer potissimum hæc verba: jubet, & ipsi obtemperatur, cum hisce aliquoties citatis Act. 7. Vos autem Spiritui Sancto resistitis. Dum Deo resistitur, non ei obtemperatur.

17. Iefu Christi gratia, principium efficax boni cuiuscumque generis necessaria est ad omne opus bonum; absque illa non solum nihil fit, sed nec fieri potest. Est 20.

Hæc Propositio est affinis nona superius expensa: gratia Christi est gratia suprema, sinè quâ Christum confiteri nunquam possumus, &c. Illa renovabat assertionem Arnaldi, quod scilicet Petrus defectu gratiæ efficacis Christum confiteri non potuerit. Hæc verò longius progressa universaliter asserit: absque illâ efficaci gratiâ, (ut præmiserat) non solum nihil fit, sed nec fieri potest. Quod certè falsum est: licet enim sinè gratia effici non fiat opus bonum (meritorum) illud tamen fieri potest sinè illâ per gratiam SUFFICIENTEM.

18. In vanum, Domine, præcipis, si tu ipse non das, quod præcipis. Est Propositio 3.

Igitur juxta illud Principium: absque gratiâ efficacis nihil fieri potest: non est nisi gratia efficax, quæ reddit mandata Dei possibilia: itaque mandata sunt illis impossibilia, qui non habent gratiam efficacem.

Et

Et sic in vanum Dominus præcipit , si non dat ipse gratiam efficacem , quâ Præcepta adimpleri possint . Quid aliud continet Janseniana Propositio : aliqua Dei Præcepta hominibus justis , volentibus , & con-nantibus , secundum præsentes , quas habent vires , sunt impossibilia ? contendit hæc , uid & Quesnel ; non dari gratiam , nisi efficacem , & absque illâ hominem nec posse bonum operari , nec evitare peccatum . Itaque justus , dum peccat ; gratiam Christi non habet , quâ possit non peccare . Si au-tem gratiam , quâ possit non peccare , non habeat , ergo non peccare est ei impossibile : ac proinde aliqua Dei præcepta justo conanti , & volenti , se-cundum præsentes , quas habet vires , sunt impossibi-lia . Ecce quanta videatur esse utramque inter Pro-positionem connexio . Sanè & sunt possibilia præ-ceptra justo gratiâ sufficienti instructo , nec in vanum Dominus præcipit ei ; qui tantum sufficiens habet auxilium : cum eo quis absolutè potest adimplere mandatum . Unde Deus non præcipit impossibilia . Illud , quod præcipit Deus , NON EST IMPOSSIBILE HOMINI AD SERVANDUM . D. Thomas q. 24. de veritate art. 14. ad 1.

19. Ita , Domine ; omnia possibilia sunt ei , cui omnia possibilia facis , eadem operando in illo . Est 4.

Scilicet , Domine , omnia possibilia sunt ei , cui omnia possibilia facis per gratiam efficacem , & non aliter secundum Authoris principia .

20. Quando Deus non emollit cor per interio-rem unctionem gratiæ sua , exhortationes , & gratiæ exteriore non inserviunt , nisi ad illud magis ob-durandum . Est 5.

Itaque sine interiori unctione gratiæ efficacis (non enim datur hic alia) exhortationes , & gratiæ exteriore nihil juvant . Nisi Dominus , (ita libelli sparsi) ædificaverit domum , in vanum la-boraverunt , qui ædificant eam . Psal 126 . Sanè Dominus ædificat etiam domum per gratiam suffi-cientem ; imo per illam ordinariè Spirituale animæ ædificium inchoatur . Illa intus monet , illa intel-

lectum illustrat, ut consideret ea, quæ annuntiantur, vel proponuntur; illa voluntatem excitat ad vitæ emendandæ desiderium; illa pias ci cogitationes inserit, aliasque ad salutem dispositiones. *Dominus, inquit Augustinus enarratione in Psalmum præfatum, intus monet, ipse terret, ipse intellectum aperit.* Falsum igitur est, sînè gratiâ efficaci non prodesset gratias exteriores, & quod pejus est, per illas cor magis obdurari. Si abesse omnino & sufficiens, tunc in vanum laborarent adificantes domum, frustrâ sudarent præcones, & Ministri Verbi Dei. E contra quòd quis ad illos accedat, ordinariè signum est, eum ad hoc interius moveri per gratiam istam postremam; quæ antelucana quædam homini inspirat salutis desideria.

Ut verò omnino pateat, quod *Quesnel* non admittat nisi gratiam efficacem, liquet ex his, quæ nonnulli pro eo scripserunt magnum in illius favorem citantes Augustinum. *Ceux qui objecteroient au P. Q. qu'il ne reconnoît d'autre Grace, que celle qui a son effet, s'adressent à S. Augustin, puis qu'il définit la Grace de la même maniere.*

Itanè? Eodem modo, quo *Quesnel*, Gratiam definit Augustinus? non admisit S. Doctor aliam, quam illam, quæ suum semper infert effectum, & quam efficacem ab intrinseco appellamus? hanc quidem plurimis in locis allegavit; explicuit, & pro aris, ac focis propugnavit Augustinus; sed & tueri non desit aliam, quæ effectu suo privat, seu cui voluntas humana resistit.

De efficaci sic discurrit Lib. de Prædestinat. *Loca Au. Sanctorum cap. 8. Hac gratia à nullo duro corde gustini pro respuitur, quia ideo datur, ut cordis duritia pra-Gratis efficiatur auferatur.* Et lib. de corrept. & gratiâ. Deus habet cordium inclinandorum omnipotentissimam potestatem. Item epist. 21. ad Vitalem. Deus omnipotentissimâ facilitate convertit, ac volentes ex nolentibus facit. Lib. etiam de Gratiâ Christi. Legant, inquit, atque intelligant, intueantur, ac fatentur, interna, atque occulta, mirabili, atque

seque ineffabili potestate operari Deum in cordibus hominum bonas voluntates. Ad stipulatur his omnibus locus celeberrimus lib. de gratia & libero arbitrio cap. 16. Certum est nos velle, dum volumus: certum est nos facere, dum facimus; sed ille FACIT, UT FACIAMUS PRÆBENDO VIRES EFFICACISSIMAS VOLUNTATI. Denique Lib. de corrept. & Gratia cap. 12. Subventum est ergo infirmitati voluntatis humanae, ut Divinâ Gratia indeclinabiliter, & insuperabiliter ageretur. Atque in hoc sensu gratia efficacis dicit Augustinus ejusdem libri cap. 14. Deo volenti saluum facere nullum humanum resistit arbitrium.

Videamus modò ab Augustino assertam gratiam, Loca cui voluntas humana reluctatur. Enarratione in gustini Psalmum 124. Cor eorum (peccatorum) congeo pro gratia lascit, inquit, adversus Deum, ET FIT DURUM AD sufficiens VERSÙS IMBREM GRATIÆ SUÆ, NE FRUCTUM FE- seu eâ, cui RAT. In Psal. etiam 63. eandem comparationem resistitur. pluviæ cadentis in agrum spinosum, quâ gratiam inefficacem, seu effectu carentem designet, eleganter adhibet. Quod pluit in agrum uberem dulce est, & quod pluist in agrum spinosum, dulce est: Numquid pluviam accusas, quod spinas generet? Nonne erit pluvia illa testis in judicio, & dicet: Ego dulcis super omnia veni? Tu ergo quid proferas, vide: profers frumentum, spera horreum, profers spinas, ignem spera. Deinde Lib. 1. de peccatorum meritis, loquens de concupiscentiâ in baptizato superstite, habet, ait, cum quâ pugnet, eamque adjuvante Deo supereret, SI NON IN VACUUM gratiam ejus susceperte, si reprobas esse noluerit. Hinc Lib. 83. quæst. c 61. infert, eos qui Deo vocanti non obediunt, sibi debere tribuere, quod non veniant, quia scilicet Deo resistunt. Ad illam cœnam in Evangelio præparatam nec omnes, qui vocati sunt, venire voluerunt, nec illi qui venerunt, venire possent, nisi vocarentur. Itaque neque illi debent tribuere sibi, qui venerunt, neque illi qui venire noluerunt, debent alterius tribuere, sed tantum sibi, perversæ suæ voluntati,

ut enim venirent, in eorum erat potestate. Confirmatur hoc ex libro 50. Homiliarum Homilia 12. ubi sic differit Antistes Hipponensis. *Cum per Dei adiutorium in manu tuâ sit, utrum consentias diabolo; quare non magis Deo, quam ipsi obtemperare deliberas?* In potestate tuâ est, consentire diabolo, in potestate tuâ Deo obsequi. Cur Deo non obtemperas? En gratiam, quæ suo privatur effectu. His adde cap. 8. lib. 2. de Symbolo ad Catechumenos, ubi Augustinus inducit Christum ad tortores, & crucifixores suos sic loquente. *Videte vulnera, quæ inflixistis, agnoscite id latus, quod pupugistis, quoniam per vos,* & propter vos apertum est, nec tamen INTRARE VOLUISTIS. Voluntas erat gratiæ, quæ ex vulneribus ejus profluxit, resistens, retinens, repugnans. Accedit famolum adiutorium quo, & sinè quo, seu possibilis. Infinitus sim, si omnia huc spectantia testimonia in medium proferam, quare aliis supersedeo.

Porrò quod D. THOMAS admittat gratiam, cui resistitur; paret ex antedictis, præsentim ad Propositionem 11., quæ est numero 3.

Gratia illa vocatur passim sufficiens: sufficiens autem sit mentio pluribus in locis. Primo quidem lect. 2. ad Ephes. 3., ubi ait: *Auxilium duplex est, unum quidem facultas exequendi* (en gratia sufficiens, dat hæc enim facultatem, seu potentiam expeditam exequendi) *aliud ipsa operatio, sive actualitas:* en gratia efficax, hæc enim facit, ut homo statim in actum prorumpat. Deinde 1. 2. q. 113. art. 10. in corpore articuli. *Est communis, & consuetus cursus justificationis,* ut Deo movente interius animam, homo converteratur ad Deum, primo quidem conversatione imperfecta per gratiam sufficientem, ut postmodum ad perfectam deveniat per gratiam efficacem. Et art. 7. in corpore. Deus facit dispositionem sufficientem ad susceptionem gratia efficacis, quandoque quidem subito, quandoque autem paulatim, ac successivè; ita ut longa interdum sit illustrationum

*Agit 185. p.
T. Thomas 8.
gratia proprie-
tatis, non
autem dicitur
per voluntatis;
adrogans illa
in voluntatis
non sunt sed
ad rationem: ut que-
ritus oritur
gratia proprie-
tatis est
affirmitur.
Disputatur autem an Gratia aliquid
gratia per voluntatis, nisi non possit
existi sit.*

& excitationum (quæ sub gratiâ sufficienti continentur) series. Quandòquè verò non sunt illæ illustrationes , aut excitationes , Deo tam vehementer animam movente per gratiam efficacem , ut statim quandam perfectionem justitiae asequatur , sicut fuit in conversione Pauli. Præcitato articulo 10. circà hæc verò notandum est , auxilia sufficientia ita inter se ordinariè connecti , ut nisi hic veluti cursus intercipiatur , qui primum auxilium recipit , habiturus sit sequentia , nisi ipse ea intercipiat , ac sistat , & suâ culpâ obicem ponat. Aliquis dicitur extinguere Spiritum Sanctum , seu gratiam privare effectu , cum aliquis bonus motus in ipso surgit , & IPSE IMPEDIT. Lest. 2. in cap. I. Prioris ad Thessal.

Opera sine Gratia.

21. **Q**uid aliud reminet anima , que Deum , Opera fatigataque iofsus gratiam amisit , nisi peccatum , &ta sine & peccati consecutione , superba pauper- gratias , & segnis indigentia , hoc est generalis im- tentia alliborem , ad orationem , & ad omne opus bonum ? Et 1.

D. THOMAS q. 10. art. 4. in corpore. Peccatum mortale tollit gratiam gratum facientem , non autem totaliter corruptit bonum naturæ. Unde peccatores BONA OPERA , AD QUÆ SUFFICIT BONUM NATURÆ , seu opera moraliter bona OPERARI POSSUNT. Non igitur in peccatore remanet generalis impotentia ad omne opus bonum , scilicet morale.

22. Peccator non est liber nisi ad malum sine gratiâ Liberatoris. Est 38.

Sic autem Basana 27. liberum arbitrium sine Dei adjutorio non nisi ad peccandum valeat.

D. THOMAS q. 24. de veritate art. 4. Bonum , quod est supra naturam , constat liberum arbitrium non posse sine gratiâ , quia per hujusmodi bonum homo vitam aeternam meretur , constat autem , quod sine gratia homo mereri non potest. Illud autem

Q 4 bonum ,

bonum, quod est natura proportionatum, potest homino per liberum arbitrium explere. Peccator autem per peccatum non amisit liberum arbitrium. Unde ille potest sine gratia bonum naturae humanae proportionatum explere. Falsum igitur est, quod peccator non sit liber nisi ad malum sine gratia Liberatoris.

23. Voluntas, quam gratia non prævenit, nihil habet luminis nisi ad aberrandum, ardoris, nisi ad se precipitandum, virium, nisi ad se vulnerandum; est capax omnis mali, & incapax ad omne bonum. Est 39.

D. THOMAS loco citato ad Propositionem penultimam. Peccatum non totaliter corrumpt bonum naturae. Cur igitur peccator est capax omnis mali, & incapax ad omne bonum? Audiatur Augustinus, qui de Spir. & Littera hæc scribit. Sicut non impediunt à vita aeternâ justum quadam peccata venialia, sine quibus hac vita non ducitur; sic ad salutem aeternam nihil proficiunt aliqua bona opera (moraliter), SINE QUIBUS DIFFICILLIME VITA CUJUSLIBET HOMINIS PESSIMI INVENITUR. Neque enim malus OMNINO POTEST ESSE MALUS, ait Chrysost. Homilia 67. ad Populum Antiochenum, sed evenit, ut & ALIQUID HABEAT BONI.

24. Sine gratia nihil amare possumus, nisi ad nostram condemnationem. Est 40.

D. THOMAS I. 2. q. 109. art. 5. in corp. Homo sine gratia potest facere opera perducentia ad bonum aliquod homini connaturale, sicut habere amicum, & alia hujusmodi. Amare igitur potest, potest colere, revereri, sustentare patentes sine gratia; potest amare & Principem, & Patriam, potest innocentes, viduas, pupilos defendere. Absit hic peccatum, absit condemnatio.

25. Omnis cognitio Dei etiam naturalis, etiam in Philosophis ethniciis non potest venire nisi à Deo; & sine gratia non producit nisi presumptionem, vanitatem, & oppositionem ad ipsum Deum, loco affectuum Adorationis, Gratitudinis, & Amoris. Est 41.

D. Tho-

D. THOMAS 1. p. q. 2. art. 2. ad 1. Deum esse,
 & alia hujusmodi, quæ per rationem naturalem nota
 possunt esse de Deo, ut dicatur Rom. 1. non sunt
 articuli fidei, sed preambula ad articulos. Itaque
 cognitio Dei, ut Authoris naturalis non debet veni-
 re à Deo id est Dei gratia: aliud est de notitiâ Dei, ut
 Authoris supernaturalis, quæ ad fidem spectat, fides
 autem non est nisi à gratiâ Dei. Sed cur cognitio Dei
 naturalis non producit sine gratiâ nisi præsump-
 tionem, vanitatem, & oppositionem ad ipsum Deum?
 quia scilicet, juxta præfixa principia, omne opus,
 cognitio, intelligentia sine fide, est peccatum. Sed
 hoc ex antedictis refutatum est, & ulterius refelletur.

26. Sola gratia Christi reddit hominem aptum
 ad Sacrificium fidei; sive hoc nihil nisi impuritas,
 nihil nisi indignitas. Est 42.

D. THOMAS 2. 2. q. 10 art. 4. in corp. Cum in-
 fidelitas sit quoddam peccatum mortale, infideles
 quidem gratiâ carent: remanet tamen in EIS ALI-
 QUOD BONUM NATURÆ. Unde manifestum est, quod
 Infideles non possunt operari bona opera, quæ sunt
 ex gratiâ, scilicet opera meritoria: tamen bona ope-
 ra, ad quæ sufficit bonum naturæ, seu opera mora-
 liter bona operari possunt. Unde non oportet, QUOD
 IN OMNI SUO OPERE PECCENT. Igitur sine Sacrif-
 cio fidei, non omnia sunt impuritas, indignitas,
 & ut infra dicetur, tenebræ aberratio, & pecca-
 tum. Quid aliud dixit hæc Bajana 25. omnia In-
 fidelium opera sunt peccata? Quid aliud Alexandrina VIII.
 necesse est Infidelem in omni opere pec-
 care?

Sed audiatur & Augustinus libro de Spiritu, &
 litterâ cap. 27. & 28. Etiam impiorum, nec Deum
 veraciter, justèque colentium quedam tamen facta
 vel novimus, vel legimus, vel audivimus, quæ
 secundum Justitiae regulam non solùm vituperare
 non possumus, verùm etiam meritò, rectèque lau-
 damus. Ratio in promptu est. Quia non usque adeò
 (prosequitur magnus Aurelius) in animâ humanâ
 Imago Dei terrenorum affectuum labo detrita est,

ut nulla in ea velut lineamenta extrema reman-
serint, unde merito dici potest, etiam in ipsâ impie-
tate vita sua FACERE ILLOS ALIQUA LEGIS, VEL
SAPERE.

Varia In-
fidelium
opera
ludan-
tur in
scripturis.

Sacrae etiam litterae multorum opera laudant, qui Deum verum non agnoverunt. Sic legimus laudari Cyrum, & Darium Reges, quod templum Jerosolymitanum instaurari curarint, captivitatemque Populi Judaici laxari mandaverint. 1. Esdræ 1 & 6. Laudatus est etiam Assuerus Rex, quia exerto Mardochæo, & Aman justâ vindictâ affecto, Judæos iniquâ internecione liberavit Esther 6. 7. & 8. Commendatur quoque Nabuchodonosor, quod cum perfido perjuroque Sedecia locutus sit judicium 4. Regum 25. Actorum etiam ultimô, barbarorum Apostolo Paulo, sociisque non modicam humanitatem præstantium hospitalitas celebratur. Sed an & peccavit Pharao Gen. 12., an peccavit Abimelech 20, reddente Saram Abrahæ, & ei salvum conductum præbentes, ac munera largientes? an peccarunt obstetrics, qua timuerunt Deum Exodi 1. ? Itaque ruit illud, *Sinè Sacrificio Fides nihil nisi indignitas, tenebræ, aberratio, & peccatum.*

27. Non sunt nisi duo amores, unde volitiones, & actiones omnes nostra nascuntur; Amor Dei, qui omnia agit propter Deum, quemque Deus remunera-
 tur; & amor, quo nos ipsos, ac mundum diligimus,
 qui quod ad Deum referendum est, non refert,
 & propter hoc ipsum fit malus. Est 44.

Sic verò Baiana 38. Omnis amor creatura ratio-
 nalis aut virtuosa est cupiditas, quâ mundus dili-
 gitur, que à Joanne prohibetur, aut laudabilis
 illa charitas, quâ per Spiritum Sanctum in corde
 diffusa Deus amat. Affinis est & isti Alexandrina 7. Omnis humana actio liberata est Dei
 dilectio, vel mundi: Si Dei, charitas Patris est,
 Si mundi, concupiscentia carnis, hoc est, mala est.

Refellitur verò Propositio, quod duos inter
 amores Dei, & mundi mediet amor boni honesti.
 Non enim peccatum totaliter corruptit bonum na-
 ture,

tura, ut suprà D. THOMAS 2. 2. q. 10. art. 4. per amorem illum peccator expers amoris Dei potest elicere actus moraliter bonos, ut diligere, & honore parentes, eleemosynam largiri indigentibus; aliaque præstare hujusmodi. Reliquæ partculæ: *Qui quod ad Deum referendum est, non refert, & propter hoc ipsum fit malus: infra in fine opusculi discutientur.*

28. *Amore Dei in corde peccatorum non amplius regnante, necesse est, ut in eo carnalis regnet cupiditas, omnesque actiones ejus corrumpat. Est 45.*

Videtur hæc renovare Baianas istas. Omne quod agit peccator, vel servus peccati, peccatum est. 35. In omnibus suis actibus peccator servit dominanti cupiditati. 40.

Convellitur Propositio. eadem ratione D. THOMAS.

Non ita profecto peccatum dominatur, ut nulla omnino actio ab ejus vinculis sit immunis.

Juxta assertionem istam non solum metus gehennæ in peccatore, sed & alii actus justificationem præcedentes, qui proinde non proveniunt ab amore illo prædominante, forent peccata, quod damnavit Concilium Tridentinum sess. 6. Canone 7. & 8. Si quis dixerit Gehenna metum, p. r quem ad misericordiam Dei de peccatis dolendo configimus, peccatum esse, anathema sit. Si quis dixerit opera omnia, quæ ante justificationem fiant, verè esse peccata, anathema sit.

29. *Cupiditas, aut Charitas usum sensuum bonum, vel malum faciunt. Est 46.*

Si sola charitas usum sensum bonum faciat, peccabit igitur ille, qui oculos, ne in periculosem ferantur objectum; ex timore inferni refrænat: peccabit, qui expers gratiæ cibô, & potû modicè utitur, ubi tamen talis ordinate agit ad sustentationem sui corporis. D. THOMAS 1. 2. q. 18. a 9. ad 3.

Porro frustra hæc allegantur hæc, similesve authoritates Augustini. Sinè amore Creatoris nullus quisquam bene utitur Creatarisi.

Resp.

Peccator quidem numquam meritorie uitetur Crea-
turis, caret enim gratiâ, qua est principium cuiuslibet
operis MERITORII. D. THOMAS I. 2. q. 114. art. 5.
potest tamen facere aliquod opus de genere bonorum
moralium 2. 2. q. 10. a. 4. ad 3. Proinde benè mora-
liter sîne amore Creatoris potest ille uti Creaturis.

30. Obedientia legis debet profluere ex fonte,
¶ hic fons est charitas. Quando Dei amor est illius
Principium interius, ¶ Dei Gloria ejus finis, tunc
purum est, quod apparet exterius; alsoquin non est
nisi Hypocrisis, aut falsa Justitia. Est 47.

Concordat hæc cum Baianâ 16. Non est vera
legis obedientia, qua non fit ex Charitate. Sancti
legi V. G. de honorandis parentibus, de reddendo
cuique quod suum est, verè obeditur etiam ab eo,
qui charitate, seu gratiâ caret.

Sed videatur D. THOMAS I. 2. q. 65. art. 2.
quærit ibidem S. Doctor: an virtutes morales pos-
sint esse sîne charitate? quæstio est eadem, quæ
hic movetur: quæstio sic responderet Angelicus in cor-
pore. Virtutes morales prout sunt operative boni in
ordine ad finem, qui non excedit facultatem natu-
raliem hominis.... possunt esse SINE CHARITATE
Ruit igitur illud. Sine charitate, seu gratiâ nihil
est nisi Hypocrisis, nisi falsa justitia.

Aliud, quod ex hæc Propositione erui videtur,
est hoc, quod scilicet sit Hypocrisis, dum quis ex
metu gehennæ, & nondum ex charitate detestatur
peccatum, quod est proscriptum in Luthero per
Tridentinum.

31. Quid aliud esse possumus, nisi tenebre, nisi
aberratio, ¶ nisi peccatum sîne fidei lumine, sine
Christo, ¶ sine charitate? Est 48.

Igitur omnia infidelium & peccatorum opera
sunt peccata. Quod est Baianismus. Nullanè ergo
in talibus residua est scintilla boni honesti? Vide
suprà num. 26. Authoritatem SS. Augustini &
Thome.

32. Ut nullum est peccatum sine amore nostris,
ita nullum est opus bonum sine amore Dei. Est 49.
Ve-

Verum quidem est, nullum est peccatum, (intellige mortale) sine amore nostri : peccans enim mortaliter constituit ultimum finem in creaturā, quae est ipse peccans. *Finis ultimus in amore com-mutabilitum bonorum est ipse homo*, propter quem omnia alia querit peccator. D. THOMAS in 4. dist. 42. q. 2. a. 1. Non tamen sequitur: ita nullum est opus bonum finē amore Dei. Utrumque enim inter amorem mediat amor boni honesti, qui per peccatum mortale non extinguitur: per illum potest ille prorumpere in actus moraliter bonos.

Porrō incassūm hāc in materiā citantur illa verba Object. Orationis post Dominicam primam Trinitatis. *Deus sine quo nihil est validum, nihil Sanctum.*

Sinē Deo enim sinē amore ipsius nihil est Sanctum; nullum est opus bonum meritorium, secus verò opus bonum morale. Vide D. THOMAS num. 26. & 29.

33. *Oratio Impiorum est novum peccatum, & quod Deus illis concedit, est novum in eos judicium.* Est 59.

D. THOMAS 2. 2. q. 83. art. 16. ad 2. Peccator non potest pīe orare: quasi ejus oratio ex habitu virtutis informetur. Potest tamen ejus oratio esse pia quantum ad hoc, quod petit aliquid ad pietatem pertinens: sicut ille, qui non habet habitum justitia, potest aliquid justum velle: & quamvis ejus oratio non sit meritoria, potest tamen esse imperativa. Unde Augustinus dicit supra Joannem. * *Si peccatores non exaudiret Deus, frustrā Tract.* Publicanus dixisset, Domine, Propitius esto mihi 44. in peccatori. Si oratio peccatoris possit esse pia, si Joann. peccatores Deus exaudiat (scilicet ex misericordia) oratio igitur Impiorum, seu peccatorum non est novum peccatum, nec quod Deus illis concedit, est novum in eos judicium.

De Gratia Adami.

34. *Gratia Adami est sequela creationis, & Gratia Gerat debita natura sana, & integræ.* Est 35. Adamus. Adam quidem fuit creatus in gratiâ (D. THO-

MAS I. p. q. 95. art. 1.) Sed ex hoc ipso eruitur, quod gratia Adami non esset debita naturæ, licet sanæ, & integræ. Gratia enim non debetur, sed gratis confertur, alioquin gratia jam non esset gratia ad Rom 11. Unde gratia etiam sanitatis semper est gratuitum Dei donum excedens proportionem naturæ creatæ. I. 2. q. 114. a. 2. in corp. Vide suprà pag. 15. Propositionem Bay 23, & 79. sed potissimum 26, quæ est hæc. *Integritas prima creationis non fuit INDEBITA naturæ exaltatio, sed naturalis ejus conditio.*

35. *Gratia Adami non producebat nisi merita humana.* Est 34.

Gratia itaque Adami non erat donum supernaturale, sed *Naturale* humanis meritis producendis destinatum. Aliter D. THOMAS loco citato. *Gratia est Dei donum excedens proportionem naturæ creatæ.* Et I. 2. q. 109. a. 2. in corp. *Virtute Gratuitâ superadiditâ virtuti naturæ indiget homo in statu naturæ integra.* ad operandum, **BONUM SUPERNATURALE.** Non igitur Gratia Adami ad opera, seu merita naturalia, aut humana ordinabatur.

36. *Differentia essentialis inter gratiam Adami, & statutus Innocentie, ac gratiam Christianam est, quod primam unusquisque in propriâ personâ acceptisset, ista verò non recipitur, nisi in Personâ Jesu Christi resuscitati, cui nos uniti sumus.* Est etiam propositio 36.

Gratia ergò Christiana si non recipiatur in propriâ personâ, sed tantum in Personâ Jesu Christi, gratia illa, quæ certè est Sanctificans, & habitualis, de illâ enim agit Propositio, non est justitia inhærens: quod, invito sanè Quesnel, accedere videtur ad dogma Calvini quantum ad famosam justitiam *Imputativam*: quâ peccata remittuntur imputatione justitiæ Christi sine ullâ justitiâ inhærente, seu infusione gratiæ. Hoc dogma jam dudum proscripsera: Tridentinum sess. 6. canone II. *Si quis dixerit homines justificari vel solâ imputatione justitia Christi, vel solâ peccatorum remissione*

missione exclusâ gratiâ, & charitate, que in coro-
ibus eorum per Spiritum Sanctum diffundatur,
atque illis INHÆREAT... Anathema sit. Illud &
Prædebellarat D. THOMAS I. 2. q. 113 a. 2 ad 2.
hoc, quod est Deum non imputare homini pecca-
tum; Importat QUEMDAM EFFECTUM IN IPSO;
gratiam scilicet ei inhærentem. Non posset, inquit
in corp. intelligi remissio culpa. se non adesset in-
fusio gratiæ. Itaque gratia Christiana recipitur in
ipsâ Personâ, quæ justificatur.

37. Gratia Adami sanctificando illum in semet-
ipso, erat illi proportionata: gratia Christiana nos
sanctificando in Jesu Christo, est omnipotens, &
digna Filio Dei. Est etiam Propositio 37.

Verba illa: gratia Adami sanctificando illum in
semetipso....: gratia Christiana nos sanctificando in
Jesu Christo, scilicet in Personâ ipsius, non in
personâ nostrâ propriâ; continent errorem præce-
dentem. Complectitur & propositio per Tò Omnipotens,
ideam gratiæ semper efficacis, seu vîtricis
suum semper inferentis effectum. Quod jam tæpius
refutatum est.

De Virtutibus Theologicis.

38. **N**ulla dantur gratiæ, nisi per fidem. Est 26. *Virtutes*
Nulla itaque datur gratia infidelibus, qui Theologi-
sunt experies fidei, nulla eis gratia datur, ut con- cœ.
vertantur ad fidem. Aliter D. THOMAS in cap. 2.
ad Hebræos lect. 3. *Gratia nulli deest (proinde
nec infidelibus) sed omnibus quantum in se est,
se communicat.* Et D. Augustinus libro de dono
perseverantiæ cap. 20. *Uisque predicavi non so-
lum aversas à rectâ fide, sed adversas etiam rectâ
fides Deum suâ gratiâ ad eam convertere volun-
tates.* Vide Alexandrinam 5. Pagani, & Judæi
nullum omnino accipiunt à Jesu Christo influxum.

39. Fides est prima gratia, & fons omnium
aliorum. Est 27.

Nulla est ergo gratia ante fidem, nulla est gratia,
quâ quis trahatur ad fidem. Idem quod statim.

40. Extra Ecclesiam nulla conceditur gratia. Est 29.

Si illa propositio vera foret, nunquam Infideles possent intrare in Ecclesiam; non enim intratur in Ecclesiam, non capessitur Fides nisi ex gratia, inquit D. THOMAS 2.q.6.a. 1. Cum homo Assentiendo bis, quæ sunt fidei, elevetur supra suam naturam, oportet, quod hoc insit ei ex Principio supernaturali interius movente, quod est Deus per gratiam: una dicitur ad Ephes. 2. Gratia estis salvati per fidem, & non ex vobis, ne quis gloriatur: donum enim Dei est. Si fides, si ingressus in Ecclesiam sit donum Dei, seu gratia, itaque extra Ecclesiam conceditur gratia.

41. Prima gratia, quam Deus concedit peccatori, est peccatorum remissio. Est 28.

Nulla igitur est gratia antè justificationem, nullus actus supernaturalis, qui illam & præcedat, & ad eam disponat, nulla gratia, quæ viam steruat ad Pœnitentiam.

Quam egregiè hoc prædebellat D. THOMAS 3. p. q. 85. art. 5. ? Quantum ad actus (quibus ad Pœnitentiam disponimur) illorum actuum primum Principium est Dei operatio convertentis cor secundum illud Thren. ult. : Converte nos Domine ad te, & convertemur. Secundus actus est motus fidei. Tertius, est motus timoris servulis, quò quis timore suppliciorum à peccatis retrahitur. Quartus actus est motus spei, quò quis sub spe venia & consequenda assumit propositum emendandi. Tandem, aliis actibus recensitiis, sequitur pœnitentia, seu remissio peccati. REMISSIO PECCATORUM EST FINIS IN JUSTIFICATIONE IMPII : dicitur enim Isaï. 27. iste est omnis fructus, ut auferatur peccatum ejus. I. 2. q. 113. a. 6. non ergo prima gratia, quam Deus concedit peccatori, est peccatorum remissio: est potius terminus tot gratiarum, quæ se præcedunt.

His adde verba Tridentini docentis sess. 14. c. 4. Contritionem imperfectam, quæ ex Gehenna, & pœnarum metu communiter concipitur, Donum Dei esse, & Spiritus sancti impulsus non adhuc

qui?

qui dem inhabitantis, sed tantum moventes; quod
penitens adiutus viam sibi ad justitiam parat. Non
itaque remissio peccati est iterum prima gratia;
quam Deus largitur peccatori.

42. *Frustra clamamus ad Deum, Pater mi, si spiritus charitatis non est ille, qui clamat. Est 50.*

Frustra itaque clamat ad Deum peccator timore gehennæ perculsus, *Pater mi, te timeo tremendum Judicem, ignosce mihi.* Frustra, inquam, clamat, si nondum sit in eo charitas. Sanè timor procedit ex actu convertentis cor, inquit D. THOMAS loco prescitato: *unde dicitur Deut. 5. Quis det eos talem habere mentem, ut timeant te?* Si magnum sit, si Dei donum sit talem habere mentem, ut timeamus Dominum, non frustra clamatur peccator ille, *Pater mi, te timeo formidandum judicem,* cuius nondum sit in eo spiritus Charitatis, qui clamat.

43. *Fides justificat, quando operatur; sed ipsa non operatur, nisi per charitatem. Est 51.*

Si fides non operetur, nisi per Charitatem, igitur 1. fides nihil operatur ad conversionem peccatoris, in quo nondum est Charitas: ubi tamen dixit D. THOMAS eodem articulo, quod in justificatione secundus actus ad illam disponens sit motus Fidei. 2. Sequitur fidem non operari in Justis per alias Virtutes, quod est erroneum.

Porro frustra hic in defensionem Propositionis Object: allegantur verba hæc Apostoli ad Galatas 5. in Christo Jesu neque Circumcisio aliquid valer, neque Preparatum: sed fides, qua per charitatem operatur.

Non dicit Apostolus, fides, quia non nisi, seu que Resp: per SOLAM charitatem operatur. Sensus ergo Apostoli est, quod fides per charitatem tanquam per suam formam, uestigie Reginam virtutum Theologicarum operetur (2.2. q.23. a. 6. ad 2.) non vero quod non operetur nisi per charitatem ob rationes statim hic sub initium adductas.

44. *Omnia alia salutis media continentur in Fide tanquam in suo germine, & semine; sed hac Fides non est absque amore, & fiducia. Est 52.*

D. THOMAS I. 2. q. 65. a. 4. in corp. Fides potest esse sine charitate. Unde fides inclinat hominem ad credendum, etiam si sit informis, id est, charitate destituta 2. 2. q. 5. a. 2 ad 2.

Hæc damnata appropinquare videtur Alexandrina 12. Quando in magnis peccatoribus deficit omnis amor, deficit etiam fides.

45. Sola Charitas est, qua Deo loquitur, eam solam Deus audit. Est 54.

Nonnè igitur Deo loqui possumus per fidem, aut spem? Solane Charitas est virtus Theologica? solane Deum habet pro objecto? inter virtutes Theologicas, fateor, illa est Potior, qua magis Deum attingit, (D. THOMAS 2. 2. q. 23. art. 6.) fides autem, & spes attingunt Deum secundum quod ex ipso provenit nobis vel cognitio veri, vel adeptio boni. Sed Charitas attingit ipsum Deum, ut in ipso sifstat, non ut ex eo aliquid nobis proveniat. Et ideo charitas est excellentior fidei, & spe, & per consequens omnibus aliis virtutibus. At licet charitas sit excellentior, an ideo cæteras destruit virtutes? an illæ, quamvis hæc magis, seu propinquius Deum attingat, eum quoque non attingunt? an idcirco istæ sunt elingues? vide etiam suprà Propositionem 50. num. 42.

46. Deus non coronat nisi charitatem; qui currit ex alio impulso, & ex alio motivo, in vanum currit. Est 55.

Sanè Deus coronat omnes virtutes supernaturales, nec in vanum currit, qui ex meo gehennæ in virtute proficit, vel ex eodem motivo inescantem studet carnis voluptatem declinare. Timor Dei, inquit D. THOMAS 2. 2. q. 54. a. 2. ad 2. operatur ad vitationem peccati. An etiam in vanum currebat David, dum toties ingeminabat illud: Confige timore tuo carnes meas, à judiciis enim ruis timui? An in vanum currit ille, qui per actus justificationem præcedentes se ad illam disponit?

47. Deus non remunerat nisi Charitatem, quoniam charitas sola Deum honorat. Est 56.

Si sola Charitas Deum honoret, itaque Deus non honoratur per fidem, spem, humilitatem, membrorum, seu carnis refractionem, obedientiam erga Superiores, justitiam, aliasve virtutes. Deus tamen honoratur per quolibet actus bonos. *Est autem virtus bonus habitus, & boni operarius.* D. THOMAS 1. 2. q. 55. art. 3. Proindeque Deus per recensitas, aliasque virtutes honoratur, & non per solam charitatem.

48. *Totum deest peccatori, quando ei deest spes, & non est spes in Deo, ubi non est amor Dei.*
Est 57.

D. THOMAS 1. 2. q. 65. art. 4. SPES POTEST ESSE SINE CHARITATE. Non valet igitur. *Non est spes in Deo, ubi non est amor Dei.*

At ait, Augustinus dicit in Enchiridio : *Spes sine amore esse non potest.* Object:

Sed sensus communis Theologorum est, Augustinum illic loqui de spe formata, quae non est finē amore : secūs verò de spe informi. Sic & superius vidimus num. 44., fidem, scilicet informem posse esse finē charitate. Unde etiam *spes est in Deo (nempē informis) ubi non est amor Dei.*

Nec totum deest peccatori, quando ei deest spes. in eo namque potest esse fides superstes. Audiatur hic rursus S. Doctor in eodem articulo. *Super Mathe. I. dicunt in glossa * quod fides generat * Interli: spem, spes verò charitatem; sed generans est prius neatis. generato, & potest esse finē eo.* Ergo FIDES POTEST ESSE SINE SPE, & spes sine Charitate.

49. *Nec Deus est, nec Religio, ubi non est Charitas.* Est 58.

Igitur cum Charitate amittitur & fides. Non sic D. THOMAS 2. 2. q. 5. a. 2. *Fides inclinat hominem ad credendum... etiam si sit informis, seu privatā charitate.* Hæc Propositio accedit ad Alexandrinam 12. *Quando in magnis peccatoribus deficit omnis amor, deficit etiam fides &c.*

Object.

Quid ergo, inquis, ad hæc verba 1. Joan. 4
Qui non diligit, non novit Deum, quoniam Deus
charitas est.

Resp.

At cuilibet obvium est, qui non diligit Deum,
non nosse Deum; id est, non habere amicitiam
cum Deo; quis vero ante haec positiones un-
quam asseruit, quod Joannes velit ab eo, qui non
diligit, amittit simpliciter *Nossum*, seu fidem
de Deo?

Erroneum est etiam, quod non sit Religio, ubi
non est charitas, nonne peccator potest Deo sacri-
ficare? nonne illum adorare, laudare, orare, alios
ve Religionis actus exercere? non poterit, juxta
hanc Propositionem. *Oratio impiorum est novum
peccatum.* Unde peccator sine novo peccato nec
Deo sacrificare, nec illum adorare, vel alios Re-
ligionis actus elicere poterit. Sinè charitate, juxta
prætupposita principia, omnia sunt peccata. *Quid
aliquid esse possumus, nisi tenebra, nisi aberratio, &
nisi peccatum... sine charitate?* Vide superius nu-
merum 48. viii & 47. & 44.

50. *Primus effectus gratiae baptismalis est facere,*
~~ut moriamur peccato;~~ adeò ut *Spiritus, cor, sensus*
~~non habeant plus vitæ pro peccato,~~ quam homo mor-
tuus habeat pro rebus mundi. Est 43.

Si baptismus id officiat, ut *Spiritus, cor sensus*
~~non habeant plus vitæ pro peccato,~~ quam homo
mortuus habeat pro rebus mundi, profecto homo
ita debet esse constitutus, ut nullum omnino
conflictum passionum sentire, & sic propriè non
darentur justi, nisi pueri baptizati, qui sunt ex-
pertes omnis passionis. Sed nonne, inter alios,
Paulus fuit justus? Quam grave tamè passionum
certamen ille sustinuit? homo mortuus, seu cadaver
nihil omnino sentit: an nihil sentiebat Apostolus,
dum toties in hæc verba prorupit. *Video aliam le-*
gem in membris meis, repugnantem legi mentis mee,
& captivantem in lege peccati? Quoties stimulis
carnis exagitatus, provocatus, circumdatus non
exclamavit, quis me liberabit de corpore mortis
hujus?

bujus? Solve me, Domine, hujus vitæ vinculis, ut non amplius experiar stimulum carnis, Angelum satane, qui me toties colaphizat, & velorantem, ingemiscensem, plorantem, prædicantem, ninerantem, laborantem impetu, irritat, conglomeratis viribus oppugnat, & nisi gratia Divina violentos imperus reunderet, expugnaret. Scilicet per baptismum non tollitur fomes peccati, sed ille remanet, ut homo contra concupiscentiam pugnans victoria coronam accipiat. Unde super illud Rom. 6. ut destruatur corpus peccati, dicit Glossa * si * Est Au-
Post baptismum vixerit homo in carne, habet concus gustin l. I
piscientiam, cum quā pugnet, eamque adjuvante Deo de Bapt.
supereret. In cuius figuram dicitur Judic. 3. Ha sunt parvul
gentes, quas Dominus dereliquit, ut erudiret in eis c. 39.
Israēlem, & postea addiscerent filii eorum certare
cum hostibus, & habere consuetudinem praliandi.

D. THOMAS 3. p. q. 69. a. 3. in corp.

51. Dei bonitas abbreviavit usum salutis clau-
dendo totum in fide, & precibus. Est 68.

Si via salutis claudatur, tunc consistat tota in fide
& precibus, igitur non requirunt ad salutem
bona opera, quod est dogma Calvini jam dudum
à D. THOMA prædebellatum 3. p. q. 8. a. 3. ad 2.
Fides sine operibus mortua est, ut dicitur Jacobi 2.
Sed hanc consequentiam vel non prævidit Ques-
nel, vel illa certè, ipso invito, ex Propositione de-
ducitur.

52. Fides, usus, augmentum, & Præmium fidei,
totum est donum puræ liberalitatis Dei. Est 69.

Videtur hæc accedere ad Baianam istam. In re-
demptis per gratiam Christi nullum invenitur me-
ritum, quod non sit gratis indigno collatum.

Colligitur ex Propositione, quod præmium fidei,
quod est vita æterna, si totum sit donum puræ
liberalitatis Dei, non tribuatur nobis ex justitiâ, ex
quo ulterius sequitur, hominem per bona opera
nihil posse mereri, quæ refellit D. THOMAS 1. 2.
q. 114. a. 3. Vita æterna redditur à Deo secun-
dum judicium JUSTITIA, secundum illud 2. ad

Timoth. 4. In reliquo reposita est mihi CORONA JUSTITIAE, quam reddit mihi Dominus in illa die justus Iudeus. Et ibidem. Si loquamur de opere, secundum quod procedit ex gratia spiritus sancti, sic est meritorum vita AETERNA EX CONDIGNO.

Object.

At ais ex Augustino: Deus dum nostra opera bona coronat, sua dona coronat.

Resp.

Id verum est; sed dona Dei non tollunt nostra merita: è contrà tanta est Dei erga omnes homines bonitas, ut eorum velit esse merita, qua sunt ipsius dono. Concil. Trid. sess. 6. cap. 16. Unde ejusdem sessionis Canone 32. additur. *Si quis dixerit, hominis justificari bona opera ita esse dona Dei, ut non sint etiam bona justificati ipsius MERITA: aut ipsum non verè MERERI AUGMENTUM GRATIAE, & ipsius vita aeterna consecutionem, anathema sit.*

De morte Christi pro omnibus.

Mors Christi pro omnibus.

53. *¶ Jesus Christus se morti tradidit ad liberandum pro semper suo sanguine primogenitos, id est, electos, de manu Angelis exterminatoris.*

Est 32.

Accedit hæc ad Alexandrinam 4. Dedit semetipsum redemtionem pro omnibus, & scilicet fidelibus. Imò ubi illa ad omnes fideles (quos inter non omnes sunt electi) redemptionem extendit, hac eam ad solos Electos, seu Prædestinatos videtur coarctare. Non sic D. THOMAS lect. 1. ad Corinth. *Sanguis Christi est propitiatio pro peccatis nostris... & pretium sanguinis ejus est sufficiens ad salutem OMNIUM.* It 3. p. q. 8. a. 3. *Dicitur 1. Joan. 2. Ipse est propitiatio pro peccatis nostris, non pro nostris tantum, sed etiam PRO TOTIUS MUNDI.* Deinde 1. Timoth. 4. *Christus est Salvator OMNIUM HOMINUM.* Præiverat & Apostolus tum ad Hæbreos 2. *Videmus Jesum propter passionem mortis, gloriam, & honore coronatum, ut PRO OMNIBUS GUSTARET MORTEM:* Tum 2. ad Corinth. 5. *PRO OMNIEBUS MORTUUS EST CHRISTUS.* Nullus hic omnino

omnino excipitur, non REPROBUS, non infidelis, non Scytha, non Barbarus. Pro omnibus omnino, pro aeternâ omnium salute mortuus est Christus. Vide superius pag. 70., 71., & 188.

54. Prob! quantum oportet bonis terrenis, & sibi met ipsi renuntiasse, ad hoc, ut quis fiduciam habeat sibi, ut ita dicam, appropriandi Christum Jesum, ejus amorem, mortem, & Mysteria, ut facit Sanctus Paulus dicens: Qui dilexit me, & tradidit semet ipsum pro me. Est 33.

Ad solosne igitur Sanctos, & in bonorum terrenorum repudiatione Sanctum Paulum imitantes spectat sibi appropriare, ut ita dicam, Jesum Christum, ejus amorem, mortem, & Mysteria? an illis tantum cum Apostolo exclamare licet, *Qui dilexit me, & tradidit semet ipsum pro me?* Interim Ecclesia unumquemque, gravissimum etiam peccatorem obligat, ut haec verba Symboli Constantinopolitanitatem dulcia, tam pia, tantum solatii spirantia sibi applicet. Qui PROPTER NOS HOMINES, ET PROPTER NOSTRAM SALUTEM DESCENDIT DE COELIS. Non ait Ecclesia, propter nos Præstatos, nos Justos, nos à bonis terrenis, & à nobis met ipsi avulso, sed PROPTER NOS HOMINES, ut & significet Christum ad singulos prorsus homines redimendos passum esse, & ut quilibet hominum in individuo Christum ut suam credat, agnoscat, adoret, veneretur, inclamat Redemptorem. Vide etiam D. THOMAM locis præcitatiss.

55. Desideria Christi semper habent suum effectum, pacem intimo cordium infert, quando eis illam optar. Est 31.

Si desideria Christi suum semper habeant effectum, non igitur verè desideravit salutem aeternam eorum qui pereunt (in hypothesi enim desiderii semper efficacis omnes salvarentur) sed tantum desideravit salutem eorum, qui salvantur. Christus tamen verè, & sincerè VULT OMNES HOMINES SALVOS FIERI 1. ad Timotheum 2. Qui pereunt, hoc isti suæ perversæ imputent voluntat.

rati. Id pater ex D. THOMAS 3. dist. 20. q. 1. a. 1.
q. 1. ad 2. Quid omnes homines non reparantur,
seu salvantur, non est ex insufficiencia medicina
reparantis, sed ex defectu eorum, qui reparacionis
effectum IN SEIPSIS IMPEDIUNT per peccata sua,
ut liquet ex verbis sequentibus D. Angelici scri-
bentis in illud Matth. 26. Qui pro multis effunde-
tur &c. Si consideremus, inquit, effectum passionis,
non habet effectum nisi in his, qui salvantur, ET
HOC EX CULPA HOMINUM.

Porro quod desideria Christi suum non semper
habeant effectum, id perspicuum est inter alia ex
Matth. 23. Quoties volui congregare filios tuos, ET
noluisti! Vides hic desiderium, seu voluntatem
Christi: VOLUI: sed effectu suo frustratam per relu-
ctantem peccatoris voluntatem, ET NOLUISTI.

56. Omnes, quos Deus vult salvare per Christum,
salvanteur infallibiliter. Est 30.

Si omnes, quos Deus vult salvare per Christum,
salventur infallibiliter, evidenter sequitur juxta
precedentis propositionis fundamenta, quod Deus
non velit salutem eorum, qui pereunt, alioquin,
cum voluntas Dei secundum Quesnel, semper suum
habeat effectum, seu sit infallibilis; omnes omnino
salvarentur: hoc igitur posito, quod Deus non velit
salutem eorum, qui pereunt; Deus etiam non
vult omnes homines salvos fieri, quod repugnat
Apostolo numero precedenti.

57. Quando Deus vult salvare animam, quocum-
que tempore, quocumque loco effectus indubitabilis
sequitur voluntatum Dei. Est 12.

Idem quod prius. Cum effectus indubitabilis
sequatur voluntatem Dei, cum illa semper sit in-
fallibilis, semper suum adferat effectum, non vult
Deus consequenter salutem cuiusquam, qui perit.

At, inquit Author Propositionum, dicitur Joan. 4.
Oves.... non peribunt in eternum, nec rapiet eas
quisquam de manu mea. Itaque omnes, quos Deus
vult salvare per Christum, salvantur infallibiliter,
& quando Deus vult salvare animam, effectus in-
dubi-

dubitabilis sequitur voluntatem Dei. Id verum est de voluntate Dei absoluta, & efficaci; quæ semper, & infallibiliter suum habet effectum. Et in Resp. tali sensu inquit D. THOMAS 1. p. q. 19. art. 6. *Impossibile est, quod Divina voluntas suum effe-ctum non consequatur. Juxta talē verō volun-tatem intelliguntur verba ista Joan. 4. Oves non peribunt in aeternū, nec rapiet eas quisquam de manu meā. Secūs dicendum est de voluntate am-tercedente, ut loquuntur, & ineffaci, quæ tamen vera & sincera voluntas in Deo est, & quā vult omnes homines salvos fieri. Propositiones autem iste nihil meminerunt de voluntate efficaci, seu absoluta.*

Cæterū nihil ex hâc damnatā, vel precedenti *Constitu-*
eruit aduersus Prædestinationem gratiam, quæ nō non
^{* est præparatio beneficiorum Dei, quæ certissime, rāngit}
liberantur, quicumque liberantur: & quæ certissime prædesti-
mè, ET INFALLIBILITER consequitur suam effe-nationem
etum D. THOMAS 1. p. q. 23. art. 6. in corp. *gratiam*

De Ecclesia.

^{* Est au-}
gustini.

58. **N**ota Ecclesia Christiana est, quod sit
Catholica, comprehendens & omnes An*v* Ecclesia.
gelos Cœli, & omnes electos, & justos terre,
& omnium seculorum. Est 72.

Ergone insignis illa nota Ecclesiæ, quod sci-
licet sit Catholica, coarctatur ad electos, & ju-
stos? Cur non comprehendit & injustos, seu pec-
catores? Ecclesia apud omnes Theologos semper
constitit ex omnibus Fidelibus. Ecclesia est congre-
gatio Fidelium. D. THOMAS 3. p. q. 8. a. 4. ad 2.
Inter illos verō & sunt justi & injusti. Hanc in
rem adducit Angelicus variis in locis parabolam
istam Matthæi 13. Simile est regnum Cœlorum sa-
gena missa in mare, & ex OMNI genere piscium
congreganti.

59. Quid est Ecclesia, nisi cœtus filiorum Dei,
manentium in ejus sinu, adoptatorum in Christo,
subsistentium in ejus persona, redemptorum ejus
fam.

sanguine ; viventiam ejus spiritu ; agentium per ejus gratiam , & expectantium gratiam futuri saeculi ? Est 73.

Si Ecclesia illos tantum continet , legitur in eâ locum non tenent peccatores : Iste enim non vivunt spiritu Dei , nec agunt per ejus gratiam . Sane , præter celebrem similitudinem de bonis & malis pīcībus , SS. Pares & Theologi , ut exprimerent Ecclesiam componi ex bonis , & malis , illam passim appellarunt aream , in qua sunt grana & paleæ , agrum , in quo sunt frumenta , & zizania , convivium , in quo sunt boni , & mali discubentes , ovile , in quo sunt oves , & hœdi .

60. Ecclesia , sive integer Christus , incarnatum verbum habet , ut Caput , omnes vero Sanctos , ut membra . Est 74. Itaque peccatores non sunt membra Christi , proindeque nec Ecclesie . Vide numerum 62.

61. Ecclesia est unus solus homo , compositus ex pluribus membris , quorum Christus est caput , vita , subsistentia , & persona ; unus solus Christus compositus ex pluribus Sanctis , quorum est Sanctificator . Est 75.

Si Ecclesia sit unus solus Christus compositus ex pluribus Sanctis , quorum est Sanctificator ; ergo tunc iniqui non componunt Ecclesiam .

62. Qui non ducit vitam dignam Filio Dei , & membro Christi , cessat interius habere Deum pro Patre , & Christum pro capite . Est 77.

D. THOMAS 3. p. q. 8. a. 3. O. Christus primò , & principaliter est caput eorum , qui actu uniantur per gloriam : secundo eorum , qui actu uniuntur sibi per charitatem . Tertio eorum , qui actu uniuntur sibi PER FIDEM , scilicet expertem charitatis . Igitur qui non ducit vitam dignam Filio Dei , seu qui non est in gratia , aut charitate , dummodo sit in eo Fides , non cessat tamen habere interius Christum pro capite .

Object.

At inquis , D. Thomas ad 2. dicit , qui subduntur peccatis mortalibus , non sunt membra Christi actualiter , adeoque Christus non est illorum caput .

Non

Non sunt illi , fateor , membra per actualem *Ress.*
unionem charitatis , ut perspicuum est ex verbis
allegatis in corpore ; sunt tamen membra Christi
per *Fidem* , ut liquet tūm ex eodem loco , tūm
ad 2. Pertipiunt tales (peccatores) à Christo
quemdam actum vita , qui est **CREDERE**.

63. Separatur quis à populo electo , cuius figura
fuit populus Iudaicus , & caput est Jesus Christus ,
tam non vivendo secundūm Evangelium , quām
non credendo Evangelio. Est 78.

Separatur quidem aliquis à populo electo , cuius
caput est Christus , non vivendo secundūm Evan-
gelium : in quantum non communicat cum populo
isto per gratiam : datur enim communio Sancto-
rum , seu justorum in bonis operibus , quorum
radix est *gratia* : non tamen est ab eo , nec à
Christo totaliter avulsus ; quatenus etiamnum fi-
dem Evangelii retinet. Unde per illam Capiti ,
membrisque suis conjungitur. *Christus est caput*
eorum , qui sibi actu uniuntur PER FIDEM. D.
THOMAS loco citato.

Cæterūm in hâc binâ Propositione observandum
est , quod si peccatores desinant esse membra Jesu
Christi , seu illum habere pro Capite , quod tunc
inquam , peccatores non sint etiam membra Ec-
clesiæ. Id si ita se habeat ; quām vereor , ne
dūm peccatoribus Ecclesia occluditur , omnis de-
nique eidem obseretur authoritas. Etenim facile
est , ut quibus membra denegas honorem , deneges
& à capite influxum , & asseras neminem
particularis aut universalis Ecclesiæ caput esse posse ,
qui nullius Ecclesiæ pars est , vel membrum. Quò
utrōque posito , malorum & vacillabit authoritas ,
& jurisdic̄tio , ac tandem de totius ministerii , &
Hierarchiæ dubitabit exercitio. Consequentias
istas inficiabitur *Quesnel* , & meritò quidem. Non
defuerunt tamen , qui admiserunt , & eas ex po-
sitivis principiis ligitimè deduci professi sunt.

Negat etiam haud dubiè propositionum Author
sequēlam Calvinismi , quæ ex hisce assertionibus
cruis

eruitur. Calvinismus enim non conflat Ecclesiam nisi ex electis, sive justis, seu viventibus secundum Evangelium.

64. *Nihil spacioius Ecclesiâ Dei, quia omnes electi, & justi omnium saclorum illam compo-nunt.* Est 76.

An nihil spacioius Ecclesiâ Dei? certè hinc malos ab eâ excludi, illinc bonorum numerum, non comparatè ad malos solum, sed & in se absolutè ita restringi video, ut fermè dubitem, an extra baptizatorum fasciolas quærendi sint. Præsentem Propositionem confer cum quadragesimâ tertiâ num. 50. *Primus effectus gratia baptisialis est facere, ut maniantur peccato, adeò ut spiritus, cor, sensus non habeant plus vita pro peccato, quam homo mortuus habeat pro rebus mundi.* Ut quis justus sit, requirit hæc posatio, ut ille baptizatorum statum omnis omnino pugnæ aut tentationis instar cadaveris expertem imitetur. Enim verò quam pauci sunt, qui fictitiam illam, sine omni sensu, tentatione, conflicit, illecebrâ cadaveris spiritualem mortem experiuntur, aut experti sunt! Quanta igitur justorum, & Ecclesiæ membrorum paucitas! Non itaque dicendum; nihil spacioius, sed potius nihil est arctius, aut minus spaciosum Ecclesiâ Dei. Quod sanè tollit ejus universalitatem. Vide D. THOMAM & num. prædictato, & hic per totum.

De Lege Veteri & Nova.

Lex Ve-tus, & Nova.

65. *D*iscrimen interfædus Iudaicum, & Christianum est, quod in illo Deus exigit fugam peccati, & implementum legis à peccatore, relinquendo illum in suâ impotentiâ: in isto vero Deus peccatori dat, quod jubet, illum suâ gratiâ purificando. Est 6.

D. THOMAS 1. 2. q. 98. a. 2. ad 4. *Quamvis lex vetus non sufficeret ad salvandum homines, tamen aderat aliud auxilium à Deo hominibus simul cum lege, per quod salvari paterant, scilicet fides Mediata.*

diatoris, per quam justificari sunt antiqui Patres. *ibid.*
*E*s sic Deus non deficeret hominibus, quin DARET
 EIS SALUTIS AUXILIA. Non igitur in foedere Iesu
 daico fuit homo relictus in sua impotentia. Alios
 quin quis in eo salvati potuisset? Quis valuerit ad-
 implere praecepta? Nullus poterat juxta Propositionem. Sed nonnè Iosue 11. Ipse dicitur uni iesu
 mandata compleuisse, nec unum quidem verbum
 praterisse quo i praecepas Dominus Moysi? Nonnè
 & 4. Regum 23. Jozias narratur fecisse juxta omni-
 nem legem Moysi? Parentes quoquè Sancti Ioani-
 nis Baptiste Luc. 1. leguntur incidentes in omnibus
 mandatis, *E*st justificationibus Domini sine quarellâ.
 Sed vide, quod tendat Propositione. Negari nequit va-
 rios fuisse justos in antiquo testamento. His tamen
 justis non solum aliqua praecepta (ut habet prima
 Janseniana) sed omnia omnino erant observata
 impossibilia. Relinquebatur homo in suâ impoten-
 tiâ. Conspicis hic consequenter dogma Jansenii
 renovatum.

Sed annè in novâ lege semper nobis dat Deus
 id, quod jubet nos suâ gratiâ purificando? Largien-
 do semper gratiam efficacem? aliam enim, juxta
 superius tradita de gratia non agnoscit Quesnel:
 vide ibidem Propositiones illam materiam concer-
 nentes.

66. *Qua utilitas pro homine in veteri foedere, in*
quo Deus illum reliquit ejus propria infirmitati,
imponendo ipsi suam legem? *Qua vero felicitas non*
est admitti ad foedus, in quo Deus nobis donat,
quod petit à nobis. Est 7.

Nullanè ergò utilitas veteris Legis? Magna
 certè fuit illius utilitas, & per omnem modum ad
 Rom. 3. Valebat inter alia, tūm ut Iudei reco-
 gnoscerent se esse peccatores, juxta illud ad Rom.
 3. *Per legem cognitos peccatis: tūm, ut dūm Iuda-*
litæ agnoscerent se esse peccatores, intelligerent
fibi opus esse Salvatorem, cumque propterea & ar-
denter desiderarent. *E*st recurrerent ad auxilium
 gratia ejus. D. THOMAS hic ad 3. Illa autem gra-

ria eam perentibus , & flagitantibus non debeat.
Unde per gratiam , ac fidem Mediatoris Christi legem implere , & salvari poterant. Falsum igitur est , quod Deus in veteri legi relinquenter hominem propriæ infirmitati imponendo ipsi suam legem , & nullum ei omnino robur ad ejus impletionem conferendo. Sic Deus non deficiebat hominibus , quin daret eis salutis auxilia , ut statim Angelicus.

Secunda pars Propositionis (Quæ felicitas non est admitti ad fœdus , in quo Deus nobis donat , quod petit à nobis) 2. Illa pars profligata manet ex præcedentibus. Sanè multa sunt , quæ Deus petit à nobis , quæ tamen non donat , donaret autem ; motus fortiores , vigorosiores , & efficaces producendo in nobis , si non pravâ , & perversâ voluntate resisteremus gratiæ ipsius sufficienti , quæ reddit nobis illa , quæ Deus petit à nobis , simpliciter possilia.

67. *Nos non pertinemus ad novum fœdus ; nisi in quantum participes sumus nova ipsius gratia , quæ operatur in nobis id , quod Deus nobis præcipit.*
Est 8.

Si non pertinemus ad novum fœdus , ad Ecclesiam Jesu Christi , nisi in quantum sumus participes gratiæ , quæ operatur in nobis id , quod Deus nobis præcipit , hoc est , gratiæ efficacis , igitur ad illam non pertinent , qui resistunt gratia ; qui illam concupiscentiis , & peccatis suffocant : ergo Ecclesia , seu novum fœdus non constat ex peccatoribus , sed solis justis , quod statim refutatum est in propositionibus de Ecclesia.

De Timore & Amore.

Timor & 68. *S*i solus supplicii timor animat pœnitentiam ,
Amor. quò hæc est magis violenta , è magis ducit ad desperationem. Est 60.

D. THOMAS 3. p. q. 85. art. 5. Isaia 26. dicitur : à timore tuo concepimus & peperimus spiritum salutis. Si timor concipiat , & partiat spiritum salutis ,
seu

seu pœnitentia salutaris, non igitur solus (absente scilicet amore) supplicii timor animans pœnitentiam dicit ad desperationem.

¶ 69. Timor non nisi manum cohabet, cor autem tamdiu peccato addicitur, quamdiu ab amore iustitiae non ducitur. Est 61.

D. THOMAS loco citato. *Actus* (in ordine ad pœnitentiam) est motus timoris servilis, quō quis timore suppliciorum à peccatis retrahitur. Et Augustinus in Psalm. 127. Alius non in hāc vitā patet timet, sed gebennam timet, ubi vermiss eorum non morietur, & ignis eorum non extinguitur. Audient bac homines, & quia verè futura sunt impiss, timent, & continent se à peccatis. Unde & consuetudo peccandi timore franatur. Serm. 15. de verbis Apostoli cap. 19. Ruit igitur illud. *Timor non nisi manum cohabet.*

Reliquæ particulæ. Cor eorum &c. similiter errorem includunt. Juxta illas; tamdiu quis peccato addicitur, id est, tamdiu peccat, quamdiu ab amore iustitiae non ducitur. Quasi metus gehennæ peccatum foret, & quidem tanto tempore continuatum. quād quis ab amore iustitiae non ducitur. Aliter sanè Angelicus eodem articulo. *Actus pœnitentia à timore servi procedit.* An verò actus pœnitentia peccatum est, & quidem continuatum, quo usque non advenit amor iustitiae?

Cæterū ultrà dolorem de peccato ob metum gehennæ, necessarium ad justificationem cùm Sacramento pœnitentiae consequendam probabilius arbitramur. *Amorem aliquem Dei benevolum.* Requiritur enim dolor de peccato, ut peccatum est, illud autem est offensia, seu malum Dei, adeoque exigitur dolor de peccato, ut est offensia Dei, proindeque amor Dei benevolus, cui per culpam malum gravissimum, atrocissimamque injuriam intuli: ejusdem enim rationis est, ait S. Doctor 2. 2. q. 34. a. 3. O., *Quod velimus bonum alicuius, & quod odiamus malum ejus.* Formidolosè verò attritus non tristatur de peccato, ut offensia, seu malum;

malum Dei est , sed ut malum sui est , quatenus scilicet propter illud aeterna ipsi poena infligenda est.

70. Qui à malo non abstinet nisi timore pœne , illud committit in corde suo , Et jam est reus coram Deo. Est 62.

Hæc assertio est affinis precedenti : nec discrepat ab Alexandrina 15. Attullo , qua ex gehenna , & pœnaru[m] metu concipitur , non est bonus motus.

Sic vero O. THOMAS 2.2 q. 19. a. 4. O. Nullum est malum à Spiritu sancto , sed timor servilis est à Spiritu nostro : quia super illud Rom. 8. Non accepisti spiritum servitutis &c. , dicit Glossa * unus spiritus est , qui facit duos timores , scilicet SERVILEM , & castum ; ergo timor servilis non est malus , non est peccatum. Proinde qui à malo non abstinet , nisi timore pœnæ , non committit illud in corde suo , nec est reus coram Deo.

Suffragatur etiam Tridentinum less. 14. cap. 4. Metum gehennæ allerens donum Dei esse , ac Spiritus Sancti impulsu[m] , & less. 6. canone 8. hæc profrens. Si quis dixerit gehennæ metum , per quem à peccando abstinemus , PECCATUM ESSE , anathema sit.

An etiam peccabat David , an reus erat coram Deo , dum toties exclamabat. Confige timore tuo carnes meas , à judiciis enim suis timui ? An peccatum est sequi exhortationes Christi ? timete , inquit Christus Matth. 10. timite eum , qui potest & corpus , & animam perdere in gehennam.

Unde Christus quoquè , cum peccatum sit horribili ad peccatum , deliqueret (quod absit) verba hæc fundens horratoria.

71. Baptizatus adhuc est sub lege , sicut Iudeus , si legem non adimpleat , aut adimpleat ex solo timore. Est 63.

Propositio duo dicit : primum , quod baptizatus adhuc est sub lege , sicut Iudeus , si legem non adimpleat : Quasi vero nullus unquam Iudeus legem adimpleisset , quod repugnat Lucæ 1. Ubi leguntur

leguntur Parentes S. Joannis Baptiste incedentes
in omnibus mandatis, & justificationibus Domini
sue quarelâ. Aliud est, quod baptizatus est sub
lege, si legem non adimpleat ex solo timore. Hoc
etiam falsum est; quia Lex vetus, inquit D. THO-
MAS I. 2. q. 107. art. 1. dicebatur lex timoris, in
quantum inducebat ad observantiam praeceptorum
per comminationem quarumdam pœnarum tempo-
ralium, & temporalia quadam promissa: in lege
autem nova, qui legem adimpleri ex solo timore,
illi ducuntur metu vel pœnarum æternarum, vel
felicitatis, aut promissionis æternæ amittendæ.
Quamquam & hoc universaliter non sit de omni-
bus Judæis intelligendum. Varii enim inter illos
corporalia supergressi, ad æterna mentem eriger-
bant.

72. Sub maledicto legis numquam sit bonum,
quia peccatur sive faciendo malum, sive illud non
nisi ob timorem evitando. Et 64.

D. THOMAS I. 2. q. 91. art. 5. Ad legem pertinet
inducere homines ad OBSERVANTIAM MANDATO-
RUM: & HOC LEX VETUS FACIEBAT TIMORE
PŒNARUM. Si lex vetus inducebat hominem ad
observancias mandatorum timore pœnarum; erro-
neum est; quod numquam in illa fieret bonum,
erroneum, quod fieret malum, illud non nisi ob ti-
morem evitando.

Miserrimi profecto, & inextricabili peccandi
necessitate irretiti Judæi! ergo lex erat observatu
impossibilis, quod repugnat Deut. 30. Mandatum,
quod ego præcipio tibi, NON SUPRA TE EST....
juxta te est sermo valde in ore tuo, & in corde
tuo, ut facias illum. Ergo peccabant quocumque
se verterent, sive legem adinplerent, sive non,
ergo & lex mala erat, cum sine peccato adim-
pleri non posset, quod refutat Apostolus ad Rom. 7.
Lex sancta est, & mandatum sanctum, & justum
& bonum, & iterum. Consentia legi, quoniam bona
est.

73. Moyses, Prophetæ, Sacerdotes, & Doctores leges mortui sunt absque eo, quod ullum Deo dederint filium, cum non efficerint nisi mancipia per timorem. Est 65.

D. THOMAS I. 2. q. 107. a. 1. Fuerunt aliqui in statu veteris testamenti habentes charitatem, & gratiam Spiritus Sancti, qui principaliter expectabant promissiones spirituales, & aeternas; quos inter certè eminent Moyses, Prophetæ, & nonnulli Sacerdotes, & Doctores legis, habere autem charitatem, & gratiam Spiritus sancti, est dare Deo filium: *Sumus filii Dei* ad Rom. 8. Falsum est itaque, quod nullum illi dederint Deo filium. Erant quidem Israëlitæ mancipia ob multitudinem præceptorum, quibus erant gravati, ob poenas, quas lex in transgressores decernebat, aliaque onera; & in tantum lex vetus dicebatur lex timoris: erant tamen plures inter eos filii ratione adoptionis divinæ, seu gratiæ. Israëlitæ, quorum est adoptio filiorum, ad Rom. 9.

74. Qui vult Deo appropinquare, nec debet ad ipsum venire cum brutalibus passionibus, nequè adduci per instinctum naturalem, aut per timorem sicut bestiæ, sed per fidem, & per amorem, sicut filii. Est 66.

Inepta propositio! quodnam est donum Dei in brutis animantibus? Nonnè timor in illis naturalis est? Nonnè verò timor gehennæ supernaturalis? (contrarium est damnatum in Alexandrinæ 14. Timor gehennæ non est supernaturalis) Nonnè timor gehennæ est donum Dei? Timor servilis est donum Spiritus Sancti. D. THOMAS I. 2. q. 19 a. 6. Quid autem prohibet Deo appropinquare cum suis donis?

75. Timor servilis non sibi representat Deum, nisi ut Dominum durum, imperiosum, injustum, intractabilem. Est 67.

Certè peccatum est, & quidem blasphemiae, Deum sibi representare, ut Dominum... *injustum, intractabilem*. Timor itaque servilis peccatum est, quod

quod suprà refutavimus ad num. 73.; si timor ille sic peccatum, non est optandum proinde, ut quis concutiatur timore Dei. Contrà quod dicitur Deus 5.
Quis dei eos tales habere mentem, ut timeant me?
 Quòd verò timor ille nullo pacto sit peccatum, declarat D. THOMAS 2. 2. q. 54. a. 2. *Timor Dei operatur ad vitationem cuiuslibet peccati; operari ad vitationem peccati, nullo modo peccatum est.*

De afflictione Innocentis.

76. **N**unquam Deus affigit innocentes, & afflictiones semper serviant vel ad puniendum innocentis peccatum, vel ad purificandum peccatorem. Est 70.

Sic autem Bajana 72. Omnes omnino justorum afflictiones sunt ultiones peccatorum ipsorum, unde Job, & martyres, quæ passi sunt, propter sua peccata passi sunt.

D. THOMAS 2. 2. q. 164. art. 1. ad 4. Pœnaltates, seu afflictiones diversimode in diversis inveniuntur vel propter remedium salutis ejus, qui hujusmodi pœnaltatibus subditur, ut scilicet per hoc à peccatis arceatur, aut etiam DE VIRTUTIBUS NON SUPERBIAT, ET PER PATIENTIAM CORONENTUR. Non igitur (quamvis crebro pœnæ gravissimæ vel in hac vitâ ob commissa crima peccatoriis in flagantur) afflictiones semper serviant ad puniendum peccatum &c. alia motiva, quæ hic etiam allegat Angelicus, divina habet Providentia. Unde Deus sœpè affigit Innocentes. Nonnè innocens erat Deipara, de quâ tamen dicitur: *tuam ipsius animam pertransfisit Gladius Lucæ 2. cap. ?* Nonnè innocentes pueri, à bimatu & infra ab Herode interempti? plerique enim per Circumcisionem, aliave Sacra menta à peccato originali mundati erant. Nonnè innocens, sanctus, impollutus, segregatus à peccatoribus, & excelsior cœlis factus Redemptor noster ad Hebræos 7. ? Christum nihilominus oportuit pati, & ita intrare in gloriam suam. Lucæ 24.

De dispensatione à Lege.

Dispensa- 77. **H**omo ob sui conservationem potest se dispensare ab eâ lege, quam Deus condidit propter ejus utilitatem. Est 71.

Homo itaque ob sui conservationem potest se generaliter (nihil hic distinguit author) dispensare ab eâ lege, quam Deus condidit propter ejus utilitatem: omnis autem lex ordinatur ad utilitatem hominis; proindè ab omni lege sive naturali, sive divinâ ob sui conservationem sese ille dispensare potest. Sanè lex de capessendâ fide catholicâ vergit ad utilitatem animæ: sed ecce Tyrannus Titio minatur mortem, si illam capessat; poterit igitur Titius ob sui conservationem, ob evitatem pœnarum se dispensare à lege de amplectendâ fide nostrâ. Sed & alter Christianus est; urgetur verò à Principe, ut Christi nomen ejuret, Jovique sacrificet, nî faciat, mortem crudelissimam subiturus: nonnè talis juxiâ assertionem illum, ut se tormentis subducat, se à lege divinâ de non colendis diis alienis poterit eximere? Nonnè & alius, ut declinet necem, quam vir potens ei intentat, nisi falsum proferat testimonium, illud potest eructare, ut vitam tueatur? Cæteris exemplis obviis supercedeo.

Non sic D. THOMAS I. 2. q. 100. art. 8. in corpore. PRÆCEPTA DECALOGI SUNT OMNINO etiam in periculo mortis INDISPENSABILIA. Sed has sequelas certè non admittit Quesnel; & ipsam assertionem inadvertenter è calamo fluxisse credidimus.

De Pœnitentia.

Pœniten- 78. **I**gnoramus, quid sit peccatum, & vera pœnitentia, quindò volumus statim restitui possessioni bonorum illorum, quibus nos peccatum spoliavit, & detrectamus separationis istius ferre confusione. Est 88. Expende hanc unà cum sequenti.

79. Mo.

79. Modus plenus sapientia, lumine, & charitate,
est dare animabus tempus portandi cum humilitate,
& sentiens statum peccati, petendi spiritum pœnitentia, & contritionis, & incipiendi, ad minus,
satisfacere justitia Dei, antequam reconcilientur.
Est 78.

Utraque propositio non obscurè innuit satisfactionem ordinariè absolutioni, seu reconciliationis esse præmittendam: nec multum videtur esse remota ab Alexandrinâ 17. Per illam praxim mox absolvendi pœnitentia ordo est inversus: uti nec à 16. & 18.

D. THOMAS 2. 2. q. 10. art. 12. Jam toties citato. Consuetudo Ecclesiæ semper est in omnibus amulanda. Fuit verò jam ab aliquot retrò sæculis Ecclesiæ consuetudo, quod satisfactio, seu opera pœnalia ordinariè absolutionem non præcesserint, itaque nec modo illa debent absolutionem ordinariè, seu regulariter præcedere. Nec ignoramus, quid sit peccatum, & vera pœnitentia, quandò volumus statim restitui possessioni bonorum illorum, quibus nos peccatum spoliavit. E contrà dum post peccatum commissum, ad pœnitentiæ Sacramentum confugimus, dum peccatum præsertim non magnæ adhæsionis ex animo detestamur, dum ad opportuna adhibenda remedia, quæ Confessarius præscribet, nos promptos ostendimus, ita ut de dispositione nostrâ prudens possit Director formare judicium; Tunc reverè percipimus quid sit peccatum. Peccatum scilicet nos suo pondere, ut Parres loquuntur, trahit ad aliud: & ideo volumus restitui possessioni bonorum, possessioni Divinæ gratiæ, quâ nos peccatum spoliavit. Ardenter abolutionem flagitamus, ut gratiâ donemur Sacramentali, quâ adversus quoslibet dæmonis insultus muniamur, roboremur, protegamus, conservemur.

Postò præsenti non ineptè materiæ applicanda sunt illa, quæ eximus Steyaertius adducit pag. 273. Si sola consulatur antiquitas (seu prisca

, Ecclesiæ consuetudo) spretâ Ecclesiâ hodiernâ ,
 , seu ejus praxi, omnia sursum, deorsum verti oportet in Theologiâ. Soli proinde hi ab erroribus
 , semper manerunt, & manebunt immunes, qui
 , Ecclesiæ sui temporis induxisse adhæserint, quæ
 , tam hodie , quam heri est *columna* , & firmamentum veritatis, quæ proinde errare non potest,
 utpote à Spiritu sancto instructa. 3. p. 83. a. 5.

Cæterum accurate notandum est, nos hic locutos fuisse de satisfactione ordinariè absolutioni non præmittendâ. Nolim autem hoc semper & in omni eventu practicandum esse. Poterit enim quandque Sacerdos pœnitenti injungere, ut satisfactione, puta Vigiliæ, jejunium, aliaque opera pœnalia absolutionem præcedant, si ea tanquam judex, & medicus curationi ejus spirituali expedire judicaverit. Et in tali casu est modus plenus sapientiæ, lumine, & charitate dare animabus tempus sentienti statum peccati &c. Utì nimium spernimus Rigorem, ita effrenem aversamur Laxitatem. Charybdis illic hic scylla est, scopuli sanè Naufragiis celeberrimi, proinde medio tutissimus ibis.

80. Quartus decimus gradus conversionis peccatoris est, quod cum sit jam reconciliatus, habet jus assistendi sacrificia Ecclesiæ. Est 89.

Antiqua Ecclesia disciplina quoad paenitentes. SS. Gregorius Neocæsariensis, & Basilius Magnus in suis pœnitentium Canonibus, aliquique veteres Patres quatuor publicè pœnitentium distinguunt species, seu classes, scilicet flentum, auditorum, substratorum, & consistentium. Flentes arcebantur ab Ecclesiæ foribus. Auditores juxta fores ecclesiæ, ab earum tamen limine exclusi in summo mœnore, ac squallore fassis, & ciliciis amicti vestabantur. Substrati porro intra ecclesiæ partem, quæ à forium Liminibus primùm occurrebat, & Narthex vocabatur, admitti solebant, ibique missæ partem illam, quæ Catechumenorum dicebatur, nec non Homiliam, & Sermonem, qui in Ecclesiæ de suggestu post Evangelium pronuntiabantur, unâ cum Catechumenis audiebant, sed anicè

antè Ostensorium , ne Mysteriis ineffabilibus interessent , simul cum illis altâ voce Diaconi à liminibus Templi omnino excludebantur. Soli consistentes , seu jam reconciliationi destinati in Templo ad finem usque sacri persistebant.

Hanc priscam Ecclesiæ disciplinam videtur quodammodo renovare velle hæc assertio. En peccator , inquit , dum est *jam reconciliatus* (non ex- primitur , utrum publicus sit peccator ille , an pri- vatus ,) habet jus assistendi sacrificio Ecclesiæ. Sed & consistentes , seu *nondum actualiter recon- ciliati* Sacrificio usque ad finem interesse pote- rant , undè minùs videtur quadantenus peccatori indulgere propositionem Author , quam vel Anti- quæ Ecclesiæ praxis.

Sanè assertioni non aliud opponendum est , quam præfata illa , & ineluctabilis D. Thomæ Authoritas. ECCLESIÆ CONSUETUDO SEMPER EST IN OMNIBUS æMULANDA. An verò nunc Ecclesiæ consuetudo est auditionem sacri peccatoribus prohibere ? nonnè è contra omnes fideles (quos inter recensendi sunt peccatores , non enim per peccatum mortale amittitur fides) nonnè ; inquam , omnes fideles sub gravi illâ obligat , ut diebus Dominicis , & Festis Missæ interficiuntur ruit igitur de se propositio.

De Excommunicatione , & Persecutione.

81. **E**cclæsia authoritatem excommunicandi ha- Excom- bet , ut eam exerceat per primos Pastores munica- de consensu saltem præsumpto totius corporis. Est 90. tio C^o

Vixum est tum hic , tum in sequenti titulo de persecutio Lectione scripturæ sacrae , propter materiæ , quam utrobique Propositiones continent , identitatem , non ad singulas descendere , sed simul omnes dis- cutere.

82. *Excommunicationis iustæ metus , nunquam debet nos impedire ab implendo debito nostro :*

nunquam eximus ab ecclesiâ , etiam quando hominum nequitia videmur ab eâ avulsi , quando Deo , Iesu Christo , atque ipsi Ecclesia per charitatem affixi sumus. Est 91.

83. Pati potius in pace Excommunicationem , & anathema injustum , quâm prodere veritatem , est imitari sanctum Paulum : tantum abest , ut sit erigere se contra Authoritatem , aut scindere unitatem. Est 92.

84. Jesus quandoque sanat vulnera , quæ præcepis primorum Pastorum festinatio infligit sine ipsius mandato : Jesus restituire , quod ipsi inconsideratô zelô rescindunt. Est 93.

85. Nihil peiorem de Ecclesiâ opinionem ingerit ejus inimicis , quâm videre illic dominatum exercere supra fidem fidelium , & favore divisiones propter res , quæ nec fidem ladeant , nec mores. Est 94.

86. Veritates eò devenerunt , ut sint lingua quasi peregrina plerisque christianis , & modus eas prædicandi est veluti idioma incognitum : adeò remous est à simplicitate Apostolorum , & supra communem captum fidelium ; neque satis advertitur , quod hic defectus sit unum ex signis maximè sensibilibus senectutis Ecclesia , & ira Dei in filios suos. Est 95.

87. Deus permittit , ut omnes potestates sint contrarie Prædicatoribus veritatis , ut ejus victoria attribui non possit , nisi Divina Gratia. Est 96.

88. Nimis sèpè contingit , membra illa , quæ magis sancte , ac magis strictè unita Ecclesia sunt , respici , atque tractari tamquam indigna , ut sint in Ecclesiâ , vel tanquam ab eâ separata ; sed iustus vivit ex fide , & non ex opinione hominum. Est 97.

89. Status persecutionis , & pœnarum quas quis tolerat tamquam Hereticus , flagitosus , & impius , ultima plerumque probatio est , & maximè meritoria , ut poëre quæ facit hominem magis conformem Iesu Christo. Est 98.

90. Pervicacia , præventio , obstinatio in nolendo

nus aliquid examinare , aut agnoscere se fuisse deceptum , mutant quotidie quoad multos in odorem mortis id , quod Deus in suâ Ecclesiâ posuit , ut in eâ esset odor vita , v. g. bonos libros , instructiones , sancta exempla . Est 99.

91. Tempus deplorabile , quô creditur honorari Deus persequendo veritatem , ejusque discipulos ; tempus hoc advenit..... Haberi , & tractari à Religionis Ministris , tamquam impium , & indignum omni commercio cum Deo , tanquam membrum putridum , capax corrumpendi omnia in societate sanctorum , est hominibus piis morte corporis mors terribilior . Frustra quis sibi blanditur de suarum intentionum puritate , & zelo quodam Religionis persequendo flammâ , ferroque viros probos , si propriâ passione est excrucatus , aut abreptus alienâ , propter ea quod nihil vult examinare . Frequenter credimus sacrificare Deo impium , & sacrificamus diabolo Dei servum . Est 100.

Juvat hîc in medium proferre egregiam ex his junctis Propositionibus resultantem Parænesim , quam Thesibus suis de *Loci Theologici* nuper paginâ 33. inseruit eximius noster Norbertus van Bilsen .

„ O tempus deplorabile , quo creditur honorari „ Deus persequendo veritatem , ejusquè discipulos ! „ quo potestates omnes Prædicatoribus veritatis sunt „ contrariæ , & religionis ministri flammâ , ferro- „ que persequuntur probos ! Tempus hoc advenit . „ Sed agite veritatis Discipuli ! permittit ista Deus , „ ut Veritatis victoria , solius gratiæ suæ opus sit . Et „ tantum abest , ut status ille persecutionem , & pœ- „ natum , quas quis , tamquam hæreticus flagitosus , „ & impius tolerat , a Piis timeti debeat , ut sit op- „ tandus potius . Ultima certè hæc , & maximè me- „ ritoria est probatio , ut potè quæ facit hominem „ magis conformem Jesu Christo . Censurarum forte „ hîc pertimescit fulmina ? Non equidem indigno- „ nor , laudo magis . Quid enim hortificum magis „ est , quam habeti ut impios , & omni cum Deo „ commercio indigos ? Tractari velut membra pu- trida

„ trida , & in Societate Sanctorum , omnia corrumpendi capacia ? Mors ista Piis est , corporis omni
 „ monte terribilior . Cogitate attamen , quod justus
 „ ex fide vivat , & non ex opinione hominum : quod
 „ Ecclesia excommunicandi auctoritatem habeat , ut
 „ eam per primos Pastores exerceat (Notate hæc
 „ Mysteria) de consensu , saltem præsumpto totius
 „ corporis : denique quod non examus ab Ecclesiâ ,
 „ et si hominum nequitia videamur expelli , dum
 „ Deo , Jesu Christo , ipsique Ecclesiæ per charita-
 „ tem affixi sumus . Vulnera infligat præceps primo-
 „ rum Pastorum festinatio ; sed ea vulnera quandò-
 „ que Jesu sanat , si sine illius mandato inficta sint :
 „ tunc scilicet Jesus restituit , quod inconsideratō ze-
 „ lō iphi rescidērunt . Nunquam igitur excommuni-
 „ cationis injustæ metus , nos impedire debet ab
 „ implendo debito nostro . Patiamur in pace excom-
 „ municationem , & anathema injustum potius ,
 „ quam prodamus Veritatem . Hoc tantum abest ut
 „ sit erigere se contra auctoritatem , aut scindere
 „ unitatem , ut etiam S. Paulum imitari sit . Hæc so-
 „ lidissimo vobis sint solatio . dum persecutionum
 „ vos procellæ obruunt , & diris omnibus devovemini
 „ ab hominibus . Vos perlequentium interim lugête
 „ pervicaciam . Frustrà hî de intentionum suarum
 „ puritate , aut quodam religionis sibi blandientur
 „ zelo , dum aut propriâ passione excæcati , aut
 „ abrepti alienâ , nedum agnoscere volunt se decep-
 „ tos , sed ne examinare quidem . Lugête senescentis
 „ Ecclesiæ defectum , & Dei iram in filios suos , qui
 „ usque adeò cæciunt , ut Diabolo sacrificent Dei
 „ servos , dum Deo putant sacrificare impios : adeò
 „ balbutiunt , ut veritatis eis lingua , quasi pere-
 „ grina sit : adeò sunt stupidi , ut non prædicandi
 „ solum rudes , sed & veritatis idioma obliti sint : adeò
 „ Matris famæ prodige , ut æmularum odiosissimam
 „ de exercito dominatu suprà fidem , & conscientias
 „ fidelium accusationem , ultrò & efficaciter confir-
 „ ment : adeò cerebrosi , ut , propter res nihil , & quæ
 „ nec fidem , nec mores lèdunt , divisiones fovere
 „ obstinate

, obſtinatè pergaſt : adeò tandem perversi , aut im-
,, providi , ut libros , iſtructions , ſancta exempla
,, &c. quæ Deus in Eccleſiā ſuā poſuit , ut ſint odor
,, vitæ , per obſtinatæ præventionis pervicaciam mu-
,, tent quotidiē in odorem mortis.

, Quam nauci facient Superiorum leges , & cen-
,, ſuras , qui hiſce imbuuntur principiis ! Dummodò
,, Magiſtrorum ſuorum auctoritate , aut præventione
,, propriā ſibi persuadere ſciant laſam eſſe veritatem ,
,, iuſtitiam , vel fidelium libertatem ; fruſtra profeſtō
,, minaberis Auctoritas , fruſtrā ſpiritualem gladium
,, diſtringes Dei Miſiſter , quidquid moliaris , ſecura
,, ſtabit ſibi iſpi applaudens inobedientia , & Ieſu No-
,, minis ſcuto protecta à prætenſis Ieſu Paſtorum
,, vexis , ad inviſibilis Paſtoris fidenter provocabit
,, triбунал ; & ultimis fulminibus perſtricta , de ulti-
,, marum probationum gloriabitur felicitate , S. Pauli
,, imitationem læta jactabit , ſibi quæ viſa pientiſſima ,
,, clamabit in pace patientiam . Sic eodem ore lau-
,, datur , & deprimitur unitatis Auctoritas , & quod
,, ſectis ducum vitio , ſibi vertunt virtutis : ſic in Ma-
,, trem excitantur filii , in Superioris ſubditi , & per
,, Christianæ humilitatis , & modertiæ ſtragem , co-
,, ronatur contumacia . Fugito hæc , quiſquis ad Ro-
,, mano-Catholici nomen & rem alſitas .

Porrò tota hæc Propositionem moles corruit
unico D. THOMÆ ratiocinio 2. 2. q. 64. a. 5. ad 2.
NULLUS EST JUDEX ſU-IPSIUS , ſeu in propriā
cauſā : undē debet ſe inferior COMMITTERE JU-
DICIO ALIORUM . Contendunt propositiones illæ
Excommunicationem , perſecutionem , poenam ,
quas nonnulli patiuntur , eſſe iuſtas , à ſe ſtare
Veritatem , præcipitem eſſe primorum Paſtorum
festinationem in iſtigendis vulneribus , illos eſſe
præventos , & obſtinatos , cum nedum agnoscere
velint ſe fuīſe deceptos , ſed ne examinare qui-
dēm . At quiſ est judeſ in Propriā cauſā ? fanē ſie
quiſlibet litigans , ſi cauſā cadat , accuſare poterit
Judices , illos præventos dicet , partium ſtudio irre-
titos , auro corruptos , præcipites , clamabit eiām

rem

rem non fuisse sufficienter examinatam. Sed heus! amice inquies, quò ruis? quis te judicem statuit in propriâ causâ? cur omnem ordinem, & subordinationem perniciosa Metamorphosi subvertis? *hec tu reponeres litiganti: sed & illa tibi repone.* Ut enim omnis servetur in rebus ordo, dependentia, subjectio, tranquillitas, authoritas, unitas, debet inferior non suo adhærere, sed aliorum, seu Superiorum se committere judicio.

De Lectione Scripturæ Sacrae.

*Lectio
Scripturae
Sacrae.*

92. **U**tile, & necessarium est, omni tempore omni loco, & omni personarum generi studere, & cognoscere spiritum, pietatem, & mysteria Sacra Scriptura. Est 79.

93. Lectio Scripturæ sacra est pro omnibus. Est 80.

94. Obscuritas sancti Verbi Dei non est Laicis ratio dispensandi se ipsos ab ejus Lectione. Est 81.

95. Dies Dominicus à Christianis debet sanctificari lectionibus Pietatis, & super omnia Sanctorum Scripturarum: damnosum est velle Christianum ab hac Lectione retrahere. Est 82.

96. Est illusio sibi persuadere, quod notitia Mysteriorum Religionis non debeat communicari fæminis lectione sacrorum Librorum. Non ex fæminarum simplicitate, sed ex superbâ virorum scientiâ ortus est Scripturarum abusus. & nat & sunt hereses. Est 83.

97. Abripere è Christianorum manibus novum Testamentum, seu eis illud clausum tenere auferendo eis modum illud intelligendi, est illis Christi os obturare. Est 84.

98. Interdicere Christianis lectionem sacra Scripturae, præterim Evangelii, est interdicere usum luminis filii lucis, & facere, ut patiantur speciem quandam Excommunicationis. Est 85.

Sic vero Regula 4. Indicis Concilii Tridentini. Cùm experimento manifestum sit, si sacra Biblia vulgari lingua passim sine discrimine permittantur, plus inde ob hominum temeritatem detrementi, quæ n utilitatis oriri, hoc in parte judicio Episcopi

aut Inquisitoris stetur, ut cum consilio Parochi, vel Confessarii, Bibliorum à Catholicis Authoribus versorum lectionem in lingua vulgari his concedere possint, quos intelligunt ex hujusmodi lectione non damnum, sed fides, atque pietatis incrementum capere posse, qui autem absque tali facultate ea legere, aut habere præsumperint, nisi Biblis Ordinario redditis, peccatorum absolutionem percipere non possint. Non igitur Necessarium est omni personarum Generi cognoscere spiritum, & Mysteria sacræ scripturæ. Nec lectio scripturæ lacræ est pro omnibus. Nec dies Dominicus à Christianis sanctificari debet Lectionibus super omnia Sanctarum Scripturarum. Neque Damnosum est velle Christianum ab hac lectione retrahere. Sed & abripere è Christianorum manibus Novum Testamentum, seu eis illud clausum tenere, non est illis Christi os obturare. Nec est interdicere usum luminis filii lucis. Etenim Ecclesia infirmorum diffidens animis veretur, ne eos tanti splendor luminis in scripturâ emicantis aut perstringat, aut Mysteriorum absentbeat profunditas. Unde obscuritas Sancti Verbi Dei est & laicis ratio dispendandi se ab ejus lectione, & causa, cur Ecclesia non omnibus præfatum lectionem indulserit. Quod verò pluribus Divinæ Litteræ sint involutæ obscuritatibus, patet ex Augustinus lib. 12. Confess. c. 14. Mira profunditas, inquit, Divinorum eloquiorum, sed mira profunditas, Deus meus, miraprofunditas, horror est intendere in eam. Et epistolâ 3. ad Volusianum: tanta, ait, non solum in verbis, verum etiam in rebus, quæ intelligenda sunt, latet altitudo sapientia, ut acutissimis, acutissimis, flagrantissimis cupiditate discendi hoc contingat, quod eadem scriptura quodam loco habet, cum consummaverit homo, runc incipit. Non tantum antiquum, sed & Novum Testamentum difficillima intellectu continet. Id testatur Princeps Apostolorum in suâ posteriori epistolâ cap. 3. ubi differens de epistolis Paulinis

sic ait. *In quibus quadam sunt difficultia intellectu, qua indocti, & instabiles depravant, sicut & cæteras Scripturas ad suam ipsorum perditionem.* At ecce Bibliorum obscuritatem fatetur, vel supponit ipsa Propositio 81. Estne hoc igitur dum Novum Testamentum è Christianorum manibus eripitur, estne hoc illis Christi os obturare? Christus nos misit ad Sacerdotes, qui legem suam explicent, explonent, interpretentur. *Labia Sacerdotis custodiunt scientiam, & legem requirent ex ore ejus.* Malach. 2. Id quoque testabatur Eunuchus Reginæ Æthiopum, qui rogatus à Philippo, an intelligeret Isaiam Prophetam, quem legebat, respondit Act. 8. *Quomodo possum, si non aliquis ostenderit mihi?* hunc etiam in finem. *Quosdam quidem Deus dedit Doctores, alios interpretes, &c.* Hinc sicut carnalis Mater curam gerens sanitatis infantuli sui, non solidō, durō, difficiliorsque digestionis cibō onerat tenellum parvuli stomachum, sed lacte, cibisque levioribus, aut masticatis alit, quem diligit, non fecus prudentissima, & tenerrima Mater Ecclesia ex ore Doctorum, & Concionatorum &c Scientiæ Christianæ, & Scripturisticae lac fluens abundantiter bibendum propinat illis, quibus solidus cibus esset gravamini potius, quam nutritioni spirituali. Scriptura lux est, sed Ecclesia luce abusuris lucernam addit. Unde & dicitur Ps. 118. *Declaratio Sermonum tuorum dat intellectum Domine.* Non dicit Psalmista. *Sermones tui illuminant, sed declaratio explicatio, & interpretatio Sermonum tuorum dat intellectum Domine.* Porrò nonnè natum est fieri, ut ordinarie magis, quam viri luce illâ scripturæ abutantur fœminæ? hoc tūm illis perspectum est, qui vel à Limine Historiam salutarunt Ecclesiasticam, tum quotidiana id docet in vicinis Provinciis experientia. Nonnè illic unâ in familiâ evolvendis Bibliis devota tanta crebrò cernitur inter mulierculas opinionum differentia, ut quandam implacabilis belli civilis speciem præse ferre videatur? undē certè non est *illus* sibi persuadere, quod Notitia mysteriorum Religionis

ligionis non debeat communicari fœminis lectione
factorum Librorum.

Ex dictis facilè solvitur hoc argumentum sæpè *Object.*
objectum. Sacra Scriptura continet Testamentum
Dei ad nos, seu pro nobis, licet autem unicuique
legere Testamentum sui Patris, igitur & licet
omnibus legere Sacra Biblia.

Respondetur enim licere quidem unicuique le- *Resp.*
gere Testamentum sui Patris, simpliciter loquendo,
seu rem ipsam, per se spectando. Verùm si in Testa-
mento Patris quædam sint obscura, & si qui sunt filii,
qui ex eâ lectione damnum sunt passuri, incumbit
prudentiæ, & authoritati eorum, qui filiorum illorum
sunt tutores, vel curatores, non permittere ut tales
filii Testamentum legant, sed curare, ut eis explicet-
tur id, quod eos concernit. Ecclesia verò habet curam
Fidelium, idèque merito, plurium diffidens imbe-
cillitati, atque hinc nitens occasionem resecare erro-
ris, quibusdam non permittit sacrarum lectionem
Paginarum in lingua vernacula.

Huc faciunt ea, quæ D. Thomas adducit 1. 2.
q. 101. art. 2. ad 1. dicendum, quod divina non
sunt revelanda hominibus nisi SECUNDUM EORUM
CAPACITATEM : ALIOQUIN DARETUR EIS PRÆ-
CIPITII MATERIA, dum contemnerent, aut sinistre
interpretarentur ea, QUAE CAPERE NON POSSENT.

At nonnè jam cessavit, inquires, saltem in hoc *Object.*
nostro Belgio Regula 4. Indicis?

Minimè verò. Non recenseo statuta illa anti- *Resp.*
qua Antistitum nostrorum observationem istius Re-
gulæ præcipientia. Prætereo decreta hac de re ema-
nata & illustissimi Henrici Francisci vander Burch
Archiepiscopi Cameracensis 2. Octob. 1617. &
Antonii Triest Episcopi Gandavensis 1629. & Gas-
paris Nemis ex Antverpiensi Archi-Præfulis Came- *Belgii*
racensis 28. Augusti 1643. Sileo sanctiones acer- *Antisti-*
tiras tūm Jacobi Theodori de Bryas ejusdem *tes exacti*
Ecclesiae moderaroris anno 1686. Tūm Alberti de *observato-*
Hornes Antistitis Gandensis 2. Augusti 1689. Ve- *res regulæ*
nio ad statutum novissimum illustrissimi piæ me- 4. *Indictis.*
moriæ

moriæ Mechliniensis Humberti Guilielmi à Præcipiano. Imitatus ille Mathias Hovios, Jacobus Boonen, aliosque prædecessores suos hoc sequens decretum edidit 9. Januarii 1691. unà cum Reginaldo Cools tunc Ruræmundensi, postea Antverpiensi, Joanne Ferdinand van Beughem Antverpiensi, Guilielmo Bassery Brugensi Episcopis, recentioris etiam me-
moriæ. Cùm non minùs HODIE, quam superiori
„ sèculo, experimento „ manifestum sit, si sacra
„ Biblia vulgari lingua pèssim sinè discrimine per-
„ mittantur, plùs indè ob hominum remeritatem,
„ detrimenti, quām utilitatis oriri, Hisce innova-
„ mus statuta quævis, & ordinationes, quæ à Præ-
„ decessoribus nostris hucusque emanarunt quoad
„ exactam observantiam quartæ Regulae Indicis
„ Tridentini: quam ipsam Regulam, olim etiam
„ in his partibus publicatam, & receptam hic
„ subjiciimus. Cum experimento manifestum sit, si
„ sacra Biblia &c.

His omnibus cum hæc Clementis Constitutio accesserit; quis est, qui ulterius pro lectione Bibliorum in lingua vulgari stare possit? imprimatur nobis altè & illud Augustini, *Roma rescripta ve-*
nerunt causa finita est: & hoc ex D. THOMA de-
promptum 1. 2. q. 96. art. 6. in corpore. Omnis
Lex ordinatur ad communem hominum salutem.
Lex autem prohibens præfatam Lectionem ma-
ximè conducebat ad salutem animarum, utpote occa-
sionem perimens erroris.

99. Eripere simplici populo hoc solatium jungendi vocem suam vocis totius Ecclesie, est usus contrarius praxi Apostolica, & intentioni Dei. Est 86.

D. THOMAS loco crebriùs citato. ECCLESIA CONSUETUDO SEMPER EST IN OMNIBUS æMULANDA. Modò autem non obtinet Ecclesiæ consuetudo, quod ab omnibus promiscuè exerceatur Psalmodia, & vernaculum Rituale, ac Liturgia in Ecclesiis adhibeatur. Non itaque vellicari debet plebis in templo silentium.

Fuerit

Fuerit diversa quibusdam in partibus recepta consuetudo, plura sunt alia quoad Disciplinam, seu Cæmonias tempore postolorum observata, quæ nunc sunt abolita. Neque hæc moderna consuetudo contrariatur intentions Dei. Intentio Dei est, ut obediatur ECCLESIA, quæ errare non potest. D. THOMAS 3. p. q. 25. a. 4.

De Juramento.

100. **N**ihil Spiritui Dei, & Doctrina Iesu Christi magis opponitur, quam n. communia facere juramenta in Ecclesiâ, quia hoc est multiplicare occasiones pejerandi, laqueos rendere infirmis, & idiotis, & efficere, ut nomen, & veritas Dei aliquando deserviant consilio Impiorum. Est 101.

Quorsum hæc vergit Propositio, nisi ut elidatur Juramentum in famosum formulare Alexandri VII. ad instantiam Cleri Gallicani à præfato petitum Pontifice eō fine, ut omnis aditus Jansenismo præcluderetur? scilicet juramentum inducitur ad finendum controversias, ut dicitur ad Heb. 6. D. THOMAS 2. 2. q. 88. a. 2. Nec opportunius esse ad terminandas contentiones luctuolas hoc juramento remedium existimavit Ecclesia.

De Relatione operum in Deum.

101. **S**ola charitas Christiano modè facit (actio-nes Christianas) per relationem ad Deum, & Iesum Christum. Est 53. his adde hasce particulas hic spectantes propositionis 4. non sunt nisi duo amores, amor Dei, & amor, quo nos ipsos diligimus, qui quod ad Deum referendum est, non refert, & propter hoc ipsum fit malus.

Contendunt nonnulli ex hâc, aliisque proscriptis, quorumdam Catholicorum Doctrinam de virtuali relatione operum in Deum ex charitate esse damnatam, præsertim hasce expendendo particulam, qui quod ad Deum referendum est, non refert, & propter hoc ipsum (actus) fit malus. Nolite ego

notam aliquam illi sententiæ inurere. Viderint istius Pationi, qui se ab hisce expediant.

Admittimus quidem & nos cum Angelico 1. 2. q. 100. a. 10. ad 2. Præceptum referendi opera in Deum ex charitate. *Sub præcepto enim Charitatis continetur, ut diligatur Deus ex toto corde, ad quod pertinet, ut OMNIA REFERANTUR IN DEUM,* & ideo præceptum Charitatis homo implere non potest, nisi OMNIA REFERANTUR IN DEUM: sed (expende verba sequentia D. THOMÆ) cum ista sint duo præcepta AFFIRMATIVA (dilectio Dei, & honor Parentum, ut præmiserat, non obligantia AD SEMPER, possunt pro diversis temporibus obligare, & ita potest contingere, quod aliquis implens præceptum de Honoratione parentum, tunc non Transgrediatur præceptum de omissione MODI CHARITATIS. Præceptum iaque referendi opera in Deum ex Charitate affirmativum est. Soli igitur debet naturam illius conformiter ad præceptum dilectionis Dei quod quia affirmativum est, ideo non obligat ad semper, sic ergo & præceptum de referendo omnia opera in Deum ex charitate non obligat ad semper, sed tunc solum, dum currit præceptum Charitatis.

Object.

Hinc facile solvuntur illa Apostoli 1. ad Corinth. 10 Omnia in gloriam Dei facite. Illa enim intelligenda tunc juxta naturam præcepti affirmati vi quod non obligat ad semper. Confirmat id ipsum S. Doctor 1. 2. q. 88. a. 1. ad 2. Dicendum, quod illud præceptum Apostoli (sive manducatis, sive bibitis, omnia in Gloriam Dei facite) EST AFFIRMATIVUM UNDE NON OBLIGAT AD SEMPER, & sic non facit contra hoc præceptum QUICUMQUE NON ACTU, nec etiam virtualiter, ut liquet extenu, REFERT IN GLORIAM DEI OMNE, QUOD FACIT.

Object.

Porrò pro Relatione solent hæc allegari ex Augustino lib. 4 contra Julianum cap. 3. Quid quid sit ab homine & non propter hoc sit propter quod fieri vera sapientia precipit, etsi officio videatur bonum, ipso non recto sine (qui debet esse Dei Gloria, ut aiunt) peccatum est.

Ad

At sic illa verba non recto fine, non intellexit Resp.
 Augustinus, sed intellexit finem esse non rectum,
 seu perversum, si quis inhicit gloriæ, & laudibus
 hominum: idque patet ad oculum ex illo ipso loco
 allegato, ubi verbis relatis mox subnectit Augustinus.
Possunt ergo aliqua bona fieri non benè facien-
tibus, à quibus fiunt. Bonum est enim, ut subve-
niantur homini periclitanti, præsertim Innocenti, sed
ille, qui hoc facit, si amando GLORIAM HOMINUM
magis, quam Dei facit, non benè bonum facit. Col-
limabant scilicet Gentiles ordinariè in suis actibus
ad humanæ gloriæ strepitum, ad acclamationem,
& applausum populi.

Præter laudes hominum, sëpè etiam Infideles
 opera sua in honorem fallorum Deorum referebant,
 in quo certè peccabant: & sic intelligitur Augu-
 stinus in præfato capite, dum ait: *operire nudum,*
& de hoc non in Domino gloriari, sed in falsis scili-
cet Diis, solus impius vegat esse peccatum.

Quàm præclarè hic consonat Augustino, eum-
 que explicat Doctor Angelicus 2. 2. q. 23. a. 7. ad
 I. Augustinus dicit in lib. 4. contra Julianum cap.
 3. quod actus Infidelis, in quantum est infidelis,
 semper est peccatum, etiam si nudum operiat, vel
 quidquid aliud hujusmodi faciat, ordinans ad finem
 sue Infidelitatis. Id quod plurimi Gentiles facti-
 tabant opera sua in honorem suorum Numinum
 ordinantes.

Si tamen Infidelis (idem est de peccatore) intrà
 boni sifstat honesti limites nullò pravò fine, aut cir-
 cumstantia actionem conspurcans, tunc nullò modò
 peccat. Suffragatur D. THOMAS in epist. ad Rom.
 cap. 14. lect. 3. Cum aliquis Infidelis ex dictamia-
 ne rationis aliquid bonum facit, non referendo in
 malum finem non peccat. Non peccat, inquam,
 peccato operis, ut loquuntur, nec etiam operantis.

Dum tamen deest relatio charitatis, non est opus
 perfectè bonum, seu meritorium.

Atque in hoc postremo sensu intelliguntur ver-
 ba Augustini toties objecta. *Sine amore Creatoris*

nullas quisquam benè utitur creaturis. Citato cap³
 3 & in Ptal. 67. non sunt bona opera , que per
 fidem , & dilectionem non sunt. Nullus scilicet
 sinè amore Creatoris meritorie utitur creaturis , &
 non sunt opera meritoria sinè fide , & dilectione ,
 seu per qua potest homo ad aeternum Des donum ,
Regnumque perducere. Eodem lib. 4 contra Julianum
 cap. 3. sunt tamen opera moraliter bona , & ho-
 nesta omnis peccati seu commissionis , seu omis-
 sione experientia.

Cæterum cuncta hæc solius veritatis gratiâ dicta
 sunt. Si quid in toto operis decursu elapsum sit ,
 quod vel acrimoniam quandam , vel asperitatem
 redolere videatur , illud (ut etiam in præfatione
 præmonui) prorsus rejicio , revoco , retracto. Opus-
 culum autem Irrefragabili Sedis Apostolicæ judi-
 cio in omnibus submitto.

F I N I S.



INDEX